

農安縣志

農安縣志序

吉省自遼金以降戰爭變置迄用弗寧而農安處宋瓦江左扼伊通驛馬二河之委流川原繚繞滿蒙交錯尤爲自古用武之所必爭考其地遼時名龍安城遼祖平渤海有黃龍見此城上改名黃龍府金濟州又改爲隆安府明史洪武二十年馮勝征元太尉軍次龍安則明時尚詔舊稱今名農安蓋音聲之訛變耳惟自來紀載未有專書事蹟大凡僅散見於史冊之旁及是由年禩緜遠道路阻修兼之語言文字互殊考獻徵文莫可依據此談掌故者所深引爲憾者也民國乙丑內務部搜集縣志爰令屬縣各上所修歷時三稔農安志編纂告成雖因事屬剞舉未盡賅備而上京大氏之名稱路衛族帳之編置以及改建行省劃分縣志而後職官之增減壤地之折合人民之耗登物用之豐嗇均各著於篇類聚門分裒成巨帙是亦足爲留心邊事及采風者之考證矣抑吾聞之天下大勢恒強於東北弱於西南農安居東北戰爭之衝故累世用兵注重軍事轉無閑暇以明其刑政殆以事勢使然近數十年來

環境推移風雲變幻昔之遞相爭逐及封閉固守者今則一變而爲遠東門戶所願地方長吏辨今昔之沿革察事勢之所宜勵翼粹精同力共治庶可安內輯外固此邊圻則余之所厚望也是爲序

民國十六年歲在丁卯秋九月遼陽誠允序

農安縣志序

民國十五年夏內務部行文各省徵取縣志時我吉長道區各縣咸未有成書無以應命乃又行文各縣限期蒞事弗得愆違逾十閱月而農安縣志先成是則董其事者實力奉行始終罔懈之效也修農安縣志不難於徵今而難於稽古彙括所知約有數端農安爲隆安之轉音其地即金代之隆安府亦即遼置之黃龍府此本無可疑者而自來論者每有異說或謂黃龍府即今奉天之開原城與農安若風馬牛之不相及此以元代設開元路於東北邊緣同名而誤者也或謂黃龍府有二一在開原一在農安兼取兩說依違莫決此又因遼史有開泰九年遷城於東北之文而致迷罔者也此地名之難於釐定者一農安於兩漢之世本爲扶餘王所都高句驪始祖朱蒙爲扶餘王太子見疑出奔立國於鴨綠江上遺聞舊蹟尙有可徵遼太祖東征渤海駐軍於扶餘城亦即今之農安而考古之士□謂扶餘舊都亦在開原差之毫釐謬以千里此建置之難於考證者二遼史屢言遼主如鴨子河獵塔魯河鴨子

農安縣志

卷一序

一

河即今之伊通河塔魯即今之塔虎城皆去農安甚近又云如魚兒灤奔鴛鴦灤灤今農安境內有數大泊以簸籬泊爲尤大疑不出此數者而考古者多不能明亦其疏矣此河泊之難於昭晰者三三者之外尙有多端難於備舉而編者已將難瞭各事疏通證明釐然有當信爲難能而可貴矣抑尤有言者農安爲東北一大都會亦往代兵家所必爭自幹羅斯人修築東省鐵路貫通於德惠縣境農安之形勝遂失去秋其昌奉命蒞縣巡視見廣原撫美川流錯注允爲天府奧區又其西北隅與郭爾羅斯前旗接壤沃野數百里都未耕闢遺利於地可惜實甚建議大府擬築長扶杖路以開發之格於財力未即興舉茲讀此編於疆域形勝地產豐腴之大山川道里禮俗戶族之細均能殫見洽聞如數家珍竊喜曩所經畫不難於今日見諸實行也王仲任云知今而不知古謂之盲瞽知古而不知今謂之陸沈讀是書也因往昔文物之盛而益懷今茲放墜之可懼是乃其昌所歧望所於來者也夫民國十六年十月遼陽孫其昌序於吉長道尹官廡

農安縣志序

歲丙寅冬奉

省道憲令調送農安縣志以資采徵農安初無縣志也遵令趕修設局籌款聘員編纂十逾月而志書脫稿檢閱一過發凡起例爲目三十有八都三十餘萬言裝爲八冊雖其間體例之繁簡詳略或未臻乎盡善有可議者惟是礙於經費限以歲時前乎此者又無私家撰著足供摭拾關於志書資材之蒐集一時調查編輯各員東鱗西爪屬事比辭綜爲一書哀然成帙要之一縣之文獻掌故固已略具於此矣竊惟縣之有志猶夫國之有史從前之興革得失起伏遞邇之際固自不可一任其漫漶磨滅而不可考惟借鏡乎曩昔所以斟酌乎來今其於現在民生之狀況社會之情勢求有以因革損益補偏救弊蒸蒸而益進意在斯乎農安之爲縣北接蒙疆爲大賚之屏蔽南隣長春巨埠其東則中東鐵路爲其交通蓋亦三省之要樞而又邊防圻堠之所繫昔在遼金實爲黃龍之府崛起稱雄馳騁中夏洎乎有明勢如甌脫淩

農安縣志

卷一序

一

假爲科爾沁所據道光七年殖民於此始入版圖生聚撫綏垂百餘年光緒十五年設治迄於今蓋又三十有九年矣其間變遷治亂雖不得指數想見昔日荒寒遊牧之時則大有異也去歲巡行庶政立馬郊垆則見膺膺周原田野旣闢並無高山巨川以耗地利純乎爲一廣漠農產之區其民率質鈍少文多半習於農作而力田據調查所得全縣黃口蓋三十萬數有奇闢地租額且廿四萬晌而強地方收入爲數三十萬元左右固已可以爲政矣年來盜匪蹂躪民力爲衰庶政因受厥影響使有賢者劍牛成俗加以教養盡其撫字招徠之術則民生日臻乎蕃富庶政日進乎修明駸駸乎豈特與內地腹縣爭文野裨益乎籌邊大計尤足重也雖然地方之庶政良窳利鈍固視有司之賢否以爲轉移而庶政之實施其與相助爲理者尤視乎地方人才之消長以爲衡不佞待罪斯邦行且逾歲爬梳整飭雖兢兢然不敢上負大憲付託之殷欲有鑿乎父老望治之切而采風問俗關於本縣之沿革得失求之搢紳士夫亦且語然不詳不能盡道其一此編之成所謂兵農錢穀之盈朒風俗

習慣之醇駁教育實業之如何講求而振興之警團保衛之如何整飭而收守望相助之效所謂酌古以徵今蒸蒸日上進而未有極者不至數典忘祖茫無依據其各岌然自奮慷慨急公於以補有司之不及謀地方庶政之發展濟濟多士播爲異日邑乘之光者抑亦

列憲催脩縣志之微意也夫是又望之邦人君子者是役也邑紳劉君長清擔負籌編之責賓縣朱君衣點實總裁之云時

中華民國十六年八月下澣

知農安縣事鄭士純識

農安縣志

卷一序

二

農安舊無志書民國十六年春鄭前任奉令纂輯始設局聘員經畫其事知事調轉來農適已脫藁鄭前任殷然以付梓爲囑詢悉斯志之成終始凡八逾月前任之督飭擘畫固已勤矣披覽數過哀然鉅製其於斯地之沿革碁定爲黃龍府舊址考覈極精已成鐵證至若幅員之出入道里之遐邇錢穀之盈朒戶口之增減以及禮文制度風俗習尚之推移遞邇皆爲窮原竟委抉摘靡遺不爲模糊影響之談於是一縣之人文掌故胥萃於是編旣足供輶軒之采亦可資文獻之徵邦人君子手執此編探討地方利病得失亦足以動其恭敬桑梓之思謀所以更張而修明之守土是方者更可於是取資借鑑以斟酌乎因革損益之宜然則斯志之鉁詎可緩歟因就原籌之款而增益其不足尅期程功以付梓人用竟前任之志並叙其編輯始末以告讀者云

民國十七年 月

日 農安縣知事劉保搢識

弁言

周官外史掌四方之志註謂若晉乘楚檣杌及魯春秋之類蓋當時列國諸侯猶遵王制奉正朔與後之郡縣無異故外史得掌列國之史實即志也乘與檣杌雖不可考而左氏春秋以傳翼經實爲史氏之科律亦即方志之權輿故曰比事屬詞春秋教也而胡可易言歟丙寅春鄭宏毅大令由樺川檄升農安時樺志大體已具惟繕寫校對分卷列目猝未能就以公命留樺以竟其事該志序有謂經後任賡修者闕言也未幾公又以農志見屬^點聞之瞿然曰事之最困難又最無成績可言消歲月耗金錢動滋物議莫提倡縣志若公猶未饜此苦乎^點則遜謝不敏矣函電往復辭不獲免時樺志已呈奉縣批夏六月遂買舟西上至則相候有日矣所喜者籌備用人有局長完全負責編輯之事^點實主之非若樺川之責無旁貸也詎意歷期七八月派員五六人調查毫無端倪無肥鮮雖易牙無以調其味無布帛雖鍼神莫克製爲衣雖非獲麟儼然絕筆無何前局長辭職而繳薪之議起矣幸蒙 列憲明督對

農安縣志

卷一 弁言

一

^點無何責言本期與此邦賢士父老蒐羅故事探討軼聞以共成此邦之信讞結果乃實得其反斯誠初料所不及此矣適^點又抱鼓盆之戚兒號女泣日夜櫻心再三請去苦無接者又深懼以不舞之鶴爲羊公辱乃朝寄櫬而夕入局檢取平日筆記作爲材料諸友見而憐之相爲義務之投稿積久成帙餘則即簿牘之事潤以膚淺之文而斷之以義以期有合孟子其事其文其義之例焚膏繼晷勞以忘憂往往晨雞三唱而高館孤檠猶未眠也乃未三月而告成年經月緯義取翔實若云竊比春秋則吾豈敢

中華民國十七年十二月初

吉農安縣志局編輯主任朱衣點識

農 監 安 鄭
縣 士
修 知 純
事



協 修
公 署 科 長
王 繼 承



籌 編
劉 長 清



總 纂
朱 衣 點



農安縣志

編修農安縣志各員銜名

監修

法政專門學校法律科畢業農安縣知事 鄭士純

協修

農安縣署行政科長 王繼承

吉林簡易師範畢業 劉長清

幫辦

農安教育局局長 張潤田

總編輯主任

前清歲貢生 朱衣點

東路調查員

農安縣志

卷一 編修縣志員名

一

濱江道立中學畢業 朱履謙

西路調查員

農安師範傳習所畢業 王洗塵

採訪兼調查員 湯永泉

長春縣公署科長 張毅

東北陸軍第十六師師部 吳士俊

農安稅捐徵收局局長 萬開雯

農安電報局局長 朱滋材

農安郵政局局長 王靜之

農安硝磺局局長 王靜之

農安司法公署審判監督 夏甸清

駐農安印花辦事處幫辦 王德厚

農事試驗場場長 孫煥之

農安商會會長	丁俊
教育局局長	張潤田
農會會長	李篤財
財務處主任	劉爲霖
警察所所長	呂鳳翔
嗎啡收容所所長	楊家瑞
保衛總隊長	王學章
積穀董理處總區董	左魁章
教育會會長	張潤田
農安選舉所所長	王緒藻
縣視學員	張悅孔
農安清理田賦局主任	王守信

農安縣志 卷一 編修縣志員名

縣署調查員	傅顯治
農安登記處主任	鄭慶豐
縣署行政科書記長	李樹聲
農安監獄管獄員	趙繼先
財務處文牘員	臧樹德
均捐處收捐員	張廉
警察所總務股員	融霖
教育局文牘員	才友亭
農事試驗場文牘員	李香圃
第八區戶籍員	許愛田
縣立中學校校長	馮翮桐
中學校學監	李春榮

中學校教員

第一小學校校長

李慶普

第二小學校校長

孫玉成

第三小學校校長

徐廣忠

第四小學校校長

孫玉成

教員

梁溥霖

第五小學校校長

冷文治

第六小學校校長

李雲五

第七小學校校長

王作疆

第八小學校校長

孫桂五

第九小學校校長

趙繼堯

第十小學校校長

孫書田

胡錫良

農安縣志

卷一 編修縣志員名

三

第十一小學校校長

賈錫九

第十二小學校校長

徐修富

第十三小學校校長

于蘊聲

第十四小學校校長

田作雲

第十五小學校校長

孟繼忠

第十六小學校校長

孫季耘

第十七小學校校長

易煥章

第十八小學校校長

孫文奇

第十九小學校校長

朱鴻聲

第二十小學校校長

邵德一

第二十一小學校校長

孫樹楓

第一女子小學校校長

李芳圃

第二女子小學校校長

閻慕昭

第三女子小學校校長

王植三

第五小學校教員

韓世輯

第九小學校教員

高鳳樓

測繪

前縣署繪圖員

趙康達

繕寫

前縣署行政科僱員

劉金聲

前稅捐局文牘員

蘇乃軒

前稅契處僱員

丁子恒

前縣署行政科僱員

尉學

校對

吉林簡易師範畢業

劉長清

縣視學員

張悅孔

農安縣志

凡例

- 一本志志事義取翔實實則信信則傳於緬懷古人留贈後人
- 一本志編述前代以農安轄境爲限非地望標明黃龍府及濟州隆安者弗錄
- 一本志編述現代均據調查及呈報其無依據者略之信信疑疑要以可傳爲止
- 一本志參考書爲九通四部備要及契丹國志北盟會編松漠紀聞洪皓道里記吉林舊聞錄等隨事稱引必用夾註以資證明
- 一本志體例多采取吉林通志及甯安曲阜高密日照樂安館陶鐵嶺開原各志間或增損而變通之
- 一史氏闕文孔子重之考據未能詳確格用空白以付傳疑仿吉林通志例也
- 一本志每立一目必叙明緣起及應志之理由有類小序則竊比甯安叙事則

農安縣志

卷一 凡例

一

低二格按語則低三格亦吉林通志例也

- 一各縣縣志類皆標題分段結束一經續修則原志幾廢僅爲一種資料或另印爲附本名曰續修實同改編茲爲編年紀月不作了語以便續者按年代筍接蟬聯次第續修如出一編一手不必改作
- 一以干支紀年肇自黃帝元年丁巳春秋取之通鑑綱目取之志有例乎曰有見諸山東曲阜縣志之通編
- 一光學近年發明故前志不附照片然攝影寫真實足補筆墨所未及甯志創之本志因之
- 一附載公牘志有其例則班氏食貨志附晁錯貴粟之奏是也然多則體例龐雜不合志裁茲僅於田賦志附呈文一以代敘述非以公牘也
- 一農安舊有詳圖自劃隸長嶺後疆域縮小各區沿革亦有不同自宜另易新者以覘大勢若云愈之則猶未也

一各縣志乘隨意立目得失互見茲仿馬氏文獻通考列目者五曰象緯曰輿地曰田賦曰錢幣曰戶口仿吉林通志列目者五曰大事曰沿革曰建置曰人物曰志餘仿鄭樵通志列目者二曰氏族曰金石仿晉書列目者一曰職官仿新唐書列目者一曰選舉仿甯安縣志列目者八曰交通曰實業曰教育曰自治曰度支曰風俗曰宗教曰古蹟仿江省通志列目者三曰行政曰司法曰兵事仿日照縣志列目者一曰物產仿前漢書列目者一曰藝文仿鐵嶺縣志列目者二曰鄉村曰慈善仿大中華吉林地理志列目者一曰衛生酌古準今立目者三曰稅捐局稱也曰外交部名也曰軍警明警不與軍事同也列目三十有四繫節百二十有五共五百二十一頁約三十餘萬言一本志脫稿未十逾月迫於限期倉卒編就疎繆難免閱者諒之

農安縣志目錄

卷一

沿革

唐虞三代 漢晉 魏隋 唐及五代 遼 金 元 明 清 民國

大事

同沿革

象緯

經緯 日躔 經差 時差 標準時 地方時 雨計 雪量 風向

氣候

輿地

疆域 區劃 地質 山水 名勝附伊通河風景 險要附輿地全圖

卷二

農安縣志

卷一 目錄

一

交通

道理 津梁 郵政 電報 電話 長途電話

物產

動物 植物 礦物 特產

實業

農業農事試驗場農會附 工業 商業商會附並撮影

田賦

丈放 劃撥 清賦 升科 稅契 換照清賦局附

卷三

建置

城池 市鎮附影及圖 廨宇附影 獄所 局所附教育局影 學校附中學影

園場附校植園農植場影 倉穀 祠宇附南關老爺廟東門外龍王廟影

職官

前代 清代 民國 附各職官表

行政

清代行政 民國行政

司法

清代司法 民國司法

卷四

教育

學校教育 附小學教員研究會假期講習會運動會教育會 私塾教育 通俗教育

祀典

祀孔 附大成殿影 祀關岳 附關岳廟影

選舉

農安縣志

卷一 目錄

二

清代選舉 民國選舉

自治

清代自治 民國自治

卷五

軍警

軍防 警察 附消防隊望火樓影 預警 保衛團 保衛隊 保衛附團

兵事

前代 清代 民國

外交

前代 清代 民國 附駐農日領分館影

卷六

稅捐

國家稅捐 附稅捐局登記處印花稅辦事處硝磺局 地方稅捐

度支

國家度支 地方度支 附地方財務處

錢幣

制錢 銅元 現銀 銀元 鈔幣 官帖 附永衡官銀號 憑帖 現行錢幣

卷七

鄉村

氏族

前代 清代 民國

戶口

前代 清代 民國

風俗

農安縣志

卷一 目錄

三

古俗 今俗

慈善

國家慈善 個人慈善

衛生

公眾衛生 個人衛生 附醫業澡塘

宗教

佛教 道教 回教 附清真寺影 天主教 基督教

卷八

人物

節烈 賢範 孝行 友于 官績 將略 儒林 文苑 代表 鄉耆

壽民

古蹟

古塔 攝影

古城

古墓

古器 攝影

金石

古金類

古石類

藝文

書之類

文之類

詩之類

志餘

凡調查所得無目可附而又不可埋沒者屬之

農安縣志

卷一 目錄

四

農安縣志

沿革

星球環轉世界滄桑溯自洪荒邃古以來已亘數千百年於茲矣於此數千百年中而欲詳其部族辨厥疆域及一切廢興分合之故一一如數家珍胡可易言農安舊隸戎索往事無徵其見諸載籍者肅慎立國僅貢楛矢挹婁易號夫餘西來隋書不爲夫餘立傳其入高麗無疑此扶餘城所以有高麗之號也大氏自以渤海稱雄乃去靺鞨故號此扶餘府所以加渤海之稱也雖斷簡殘編書缺有間而蛛絲馬跡墨尙留痕無難辨者獨至於黃龍府於此於彼見各不同幾成爲歷史上之爭點或以爲慕容氏故城是殆以黃龍國爲黃龍府也或以開原當之是又以開元路爲開元縣也不知龍州本屬上京開元東連五國黃龍現城上扶餘自此更名白馬渡江來濟州於焉錫號遼澤有河豈曰伊禿開原有塔不名隆安故謂遼南曾號黃龍可也謂遼南金改濟州不可也謂開原本於開元可也謂開原即金隆安不可也爰爲考厥兵事辨以隣境合以道里並證以江河及圖書則農安爲黃龍府已無疑義况農安之於隆安音韻皆有可通龍安又號龍灣俗稱尤爲近古元駐開元路總管於此後移開原其遠徵也明征元太尉將軍馮勝駐軍隆安其近據也志沿革

農安縣志

沿革

虞為息慎夏至周為肅慎亦曰稷慎

史記五帝紀至於荒服北山戎發息慎咸戴舜之功

山海經大荒北經大荒之中有山名不咸有肅慎之國吉林通志不咸即長白

史記周本紀成王既伐東夷息慎來賀王使榮伯作賄息慎之命集解孔安國曰賄賜也

按成周之會稱稷慎康王之時肅慎復至郝氏懿行謂聲轉字通實一國

也滿洲源流考其國南包長白北抵弱水東極大海廣袤數千里又賈耽

道里記渤海王城臨忽汗海其西南三十里古肅慎城考其地為今寧古

塔韋昭云去夫餘千里夫餘農安也與今至寧古塔道里相符玩包字之

義當為肅慎西南境

漢及晉為夫餘

農安縣志

卷一 沿革

後漢書東夷傳夫餘國在元菟北千里南與高句驪東與挹婁西與鮮卑接
北有弱水地方二千里本濊地也

編者至此而疑焉考吉林通志農安沿革表肅慎之後繼以夫餘肅慎未

曾失地夫餘胡為至此比讀後漢書挹婁傳挹婁古肅慎之國也漢興以

後臣屬夫餘蓋自肅慎改號其西境已屬夫餘故曰東與挹婁接又三國

志東夷傳夫餘在長城之北本屬元菟漢末公孫度雄張海東夫餘王尉

仇台更屬遼東時句驪鮮卑強夫餘介二虜之間故曰西與鮮卑接又後

漢書東夷傳元朔元年武帝年也濊君南閭等畔右渠率二十八萬口詣遼東

內屬帝以其郡為蒼海郡通鑑輯覽註今奉天府鳳凰城及朝鮮江源道

皆其地故杜佑通典夫餘傳其印文言濊王之印國有故城曰濊城何時

入夫餘則不可考書稱濊地者當即指此至昭帝始元五年徙屬樂浪則

在高句驪南非夫餘境也元菟自在朝鮑鮮前漢書東夷傳武帝元封三年

定朝鮮爲眞番臨屯樂浪元菟四郡昭帝時罷臨屯眞番以併樂浪元菟則元菟之鄰於樂浪可知又後漢書郡國志遼東郡雒陽東北三千六百里玄菟郡雒陽東北四千里則玄菟之非遼東郡更可知前漢書地理志高句驪元菟屬縣有南蘇水西北經塞外考南蘇水即今赫爾蘇河出奉天海龍廳經伊通北出塞是則今伊通州地爲高句驪北境夫餘在元菟北千里南與高句驪接吉林通志謂農安爲夫餘國地已無疑義

晉書四夷傳夫餘在元菟北千里南接鮮卑國有古濊城本濊貊之地也按晉書不爲高句驪列傳其北境已入鮮卑觀晉書載記慕容恪攻克高句驪南蘇城可見故曰南接鮮卑非南與西之有誤乃晉與漢之不同也至國有濊城則是沿後漢書之舊非徒後之濊地也

北魏爲高麗北境

魏書高句驪傳世祖遣員外散騎侍郎李敖拜璉曾爲都督遼海諸軍事

征東將軍領護東夷中郎將遼東郡開國公敖至其所居平壤城訪其方事云遼東南一千餘里東至柵城南至小海北至舊夫餘

按後漢時高麗疆域北接夫餘漢晉兩書皆有夫餘傳自後無聞蓋自晉末已爲高麗所併故稱舊夫餘以別之

隋爲高麗夫餘城

隋書東夷傳其國東西二千里南北千餘里都於平壤

按以南北道里考之與元菟至夫餘同城詳後

唐初爲高麗夫餘城後爲渤海夫餘府境

舊唐書東夷傳高麗者出自夫餘之別種也其國都於平壤即漢樂浪郡之故地東渡海至於新羅西北渡遼水至於營州南渡海至於百濟北至靺鞨東西三千一百里南北二千里

按吉林通志唐時其地北至靺鞨是已越夫餘直拓至郭爾羅斯旗農安

郭爾羅斯前旗地也扶餘城仍屬高麗夫何待言

資治通鑑乾封二年高侃進至金山與高麗戰薛仁貴拔南蘇木底蒼巖三城

又總章元年薛仁貴既破高麗於金山遂拔夫餘城原注扶餘國之故墟故城存其名扶餘川中四十餘城皆望風請服

按吉林通志扶餘今農安縣南蘇今伊通州以南蘇水得名此唐兵渡遼自南而

北進兵之道路也乘破竹之勢故川中四十餘城皆望風請服考舊唐書薛仁貴本傳拔城次第與此皆合乃新唐書先拔扶餘次戰金山拔南蘇等三城則是自北而南作逆擊勢越國以侵遠必不可得之勢也省志謂新書爲得其實則竊未之敢信矣

新唐書北狄傳扶餘故地爲扶餘府常屯勁兵捍契丹領扶仙二州

按滿洲源流考扶仙二州遼時皆廢扶州即因扶餘得名當爲負郭所屬

農安縣志

卷一 沿革

四

縣名見遼史

吉林舊聞錄農安縣城即扶餘國舊都自魏晉以來視爲要地唐渤海大氏即其地改爲扶餘府

按滿洲源流考渤海大祚榮所都在長白山東北大欽茂又東徙三百里直忽汗河之東今寧古塔呼爾哈河也呼爾哈河匯於寧古塔城西一百里之畢爾騰湖湖廣五六里袤七十里許中有三山即所謂忽汗海也德林石在其北即德里鎮所在然則渤海上京及忽汗城實在寧古塔城旁不在遼陽也

遼爲上京道之長春州東南境東京道之龍州黃龍府

遼史地理志長春詔陽軍下節度使本鴨子河春獵之地興宗重熙八年置

隸延慶宮兵事屬東北統軍司統縣一長春縣縣本混同地燕薊犯罪者流配於此戶二千

按遼史本紀聖宗太平四年改鴨子河爲混同江又皇朝通志松花江上

游至那爾混河來會又北會混同江即鴨子河考那爾混今作那爾轟混同江即松花江又滿洲源流考長春州濱混同江今都爾伯特札賚特皆州之北境則遼長春州當與今伯都訥相近又通鑑輯覽注長春州今郭爾羅斯地考郭爾羅斯光緒十五年爲農安縣合源流考證之當爲州之東南境

遼史地理志龍州黃龍府本渤海扶餘府太祖平渤海道至此崩有黃龍見更名保寧七年將軍雅爾丕勒叛府廢開泰九年遷城於東北以宗州檀州漢戶一千復置統州五縣三黃龍縣本渤海長平縣併富利佐幕肅慎置遷民縣本渤海永甯縣併豐水扶羅置永平縣渤海置

考長平富利本屬渤海之龍州遼破龍州遷其民於通州之地而被以龍州之名與渤海龍州實非一地特此兩縣猶可藉遼史以考見其名其佐幕肅慎渤海舊屬某州則不可考矣

按吉林通志黃龍府本渤海扶餘府與通州爲渤海扶餘城者似爲一處但通州所屬有扶餘等縣乃扶餘舊縣黃龍府所屬之富利長平乃渤海

農安縣志

卷一 沿革

五

龍州舊縣以史文測之蓋太祖旣破龍州遷其民於扶餘府東北境亦設龍州如南朝僑郡故通州先名龍州又改扶餘府爲黃龍府屬龍州故黃龍府冠以龍州也及遷黃龍府於東北乃初設龍州之地故府所屬及係龍州舊縣而通州自保甯置於扶餘舊城故所屬皆扶餘舊縣也考據精詳謹爲照錄

又按遼黃龍府前爲渤海扶餘府後爲金之濟州銜接一氣毫無牽就若開原黃龍府設於何時後改何名史均無考不過因元之開元路誤以爲開元縣耳至契丹國志黃龍府即慕容氏和龍城續通典州郡序契丹本鮮卑之地世居遼澤南控黃龍北帶潢水是皆自黃龍國誤之若農安之爲黃龍府其證有五

一有證於兵事者

遼史地理志信州彰聖軍本越喜故城渤海置懷海府聖宗以地鄰高麗

開泰初置州以所虜漢民實之兵事屬黃龍府都部署司

又賓州懷化軍節度本渤海城統和十七年遷烏舍原作兀惹戶置鴨子河混

同二水之間後升兵事隸黃龍府都部署司

又益州觀察屬黃龍府統縣一靜遠縣

又威州武寧軍刺史屬黃龍府

又清州建寧軍刺史屬黃龍府

又雍州刺史屬黃龍府

又祥州瑞聖軍節度興宗以鐵麗戶置兵事屬黃龍府都部署司統縣一懷德縣

按金史地理志信州次肇隆二州之後續通志亦以肇隆信三地並稱當去隆州不遠又松漠紀聞黃龍府南百里曰賓州州近混同江當在在農安縣東南瀕江處金史太祖自將攻黃龍府進臨益州州在農安

農安縣志

卷一 沿革

六

縣東威州在農安縣西南祥州今長春府東北均見省志又元一統志廢祥州在賓州西南除清雍二州無考外餘皆於農安爲近屬而隸之宜矣

一有證於鄰境者

續通典州郡典通州安遠軍節度本扶餘國王城渤海號扶餘府遼太祖改龍州聖宗更今名景宗保寧七年以黃龍府叛人燕頗餘黨置升節度使元一統志賓州之西曰黃龍府即石晉出帝初安置之地

契丹國志長春路鎮撫女真室韋置黃龍府都部署司

新唐書渤海國長嶺府領瑕河二州

按吉林通志通州今長春府東北朱家城子境遼史安搏以燕頗餘黨千餘城通州即此賓州長春已如上所述又滿洲源流考河州在黃龍府北有河流入松花江農安之分爲長嶺也當即取此以今地望考之

殊合又珠赫店舊作出河店今朱家城子甯江州今石頭城子得勝陀碑在焉凡有關於黃龍府者今皆於農安爲近

一有證於道里者

松漠紀聞自上京五十里至拉林河又百十里至混同江又過混同江七十里至北易州五十里至濟州東鋪二十里至濟州金改黃龍府爲濟州詳後聖武記甯古塔在黃龍府東七百餘里

按以上所述道里如此然欲確定黃龍府之地點當先辨金上京會甯之所在考金史地理志會甯府下初爲會甯州太宗以建都升爲府天眷元年置上京留守司以留守帶本府尹兼本路兵馬都總管後置上京海蘭等路提刑司東至呼爾哈路六百三十里西至肇州五百五十里北至扶餘路七百里東南至率賓路一千六百里至海蘭路一千八百里縣三會甯縣倚與府同時置有長白山青嶺瑪奇嶺巴延淀綠野

農安縣志

卷一 沿革

七

淀有按春河又書作阿朮訥有混同江拉林河有得勝陀國言額特赫格們原作

忽土的 萬蠻太祖誓師之地也曲江縣初名鎮東大定七年置十二年更今

名宜春縣大定七年置有鴨子河吉林通志東至呼爾哈則今三姓地也西至肇州則今都伯訥地也東南至率賓路則今綏芬河地也海蘭路則今大小海蘭河地也由各處至阿勒楚喀核以今之里到無不相符是金上京會甯府之在阿勒楚喀毫無疑義上京既定則由上京以南至濟州之道里當然可信又由農安至甯古塔道里方向亦合

一有證於江河者

金太祖收國元年八月上親征黃龍府次混同江無舟使一人導前乘楮白馬徑涉曰視吾鞭所指而行諸軍隨之水及馬腹後使人測其渡處深不得其底九月克黃龍府遣辭刺還遂班師至江徑渡如前丁丑至自黃龍府

按史曰徑涉曰克易詞也曰班師曰徑渡如前曰至近詞也是黃龍府去混同江不遠之徵遼混同江即今松花江千古此混同江千古此黃龍府也修志者可無事饒舌矣

奉使行程錄自黃龍府東行二十里至古烏舍寨寨枕混同江湄寨前高岸下有柳樹沿路設行人幕次於下金國太史李靖所居

按松花江自吉林省城南曲而東流折西北過烏拉城之西越柳條邊轉而西趨爲扶餘長春二縣界按吉林分縣新圖考之由農安東至法特哈門西松花江岸佔一度零方向里到無不相合

又黃龍府考以洪皓道里記許亢宗奉使行程錄所載爲最得其實蓋二人當宋時奉命使金皆親歷其境也

金史額圖瑄從攻黃龍府援照散城夜過伊褪水
按伊褪即伊統是黃龍府去伊通河不遠之徵

農安縣志

卷一 沿革

八

明一統志龍安一禿河在三萬衛北

按龍安即黃龍府一禿河即伊通河志稱龍安一禿河猶言龍安之伊禿河也是伊通河所在即黃龍府所在矣

金史噶布拉思居長白山阿卜薩河徙隆州額勒敏河

按明一統志一迷河在開原城四百里北流合一禿河入松花江今土人呼曰驛馬河一迷驛馬皆伊勒門一聲之轉史稱隆州額勒敏河是又隆州去驛馬河不遠之徵隆州即黃龍府也

一有證於圖書者

吉林分縣新圖農安下註古黃龍府

農安丁未報告書農安古之黃龍府也

考黃龍府之爭議有二一曰和龍契丹國志黃龍府即慕容氏和龍城一曰開原見開原縣沿革志按

通鑑輯覽南北朝宋元嘉十二年燕王弘遣使至宋奉貢稱藩封爲燕

王江南謂之黃龍國契丹國志或以此歟抑知黃龍府乃遼太祖取渤海扶餘府所改未可牽混又元史地理志乙未歲立南京二萬戶府治黃龍府後改開元路明洪武初置三萬衛二十一年徙開元城今開元縣其為兩地可知而沿革更難言矣茲再志黃龍府之沿革如下

金爲上京之隆州東京之泰州

金史地理志隆州下利涉軍節度使古扶餘之地遼太祖時有黃龍見遂名黃龍府天眷二年改爲濟州以太祖來攻城時大軍徑涉不假舟楫之祥也置利涉軍天德二年置上京路都轉運司四年改爲濟州路轉運司大定二十九年嫌與山東路濟州同更今名貞祐初時升爲隆安府亦作龍安見富察伊爾傳縣一利涉縣倚與州同時置有混同江拉林河鎮一與縣同時置有混同館

按全遼志龍安城在一禿河西岸一禿即伊通同聲字册說城周七里門四旁有塔亦名農安今農安縣正在伊通河西二里門四旁有塔皆與册

農安縣志

卷一 沿革

九

符又吉林舊聞錄塔爲遼聖宗時所建明初此地尙稱隆安馮勝征元太尉軍次隆安是也

金史地理志泰州德昌軍節度史遼時本契丹二十部族牧地海陵正隆間置德昌郡隸上京大定二十五年罷之承安二年復置於長春縣以舊泰州

爲金安縣隸焉

長春州韶陽軍天德二年降爲縣屬肇州

按吉林通志泰州爲今科爾沁左翼前旗及郭爾羅斯前旗地所屬長春縣爲今農安縣西北境方輿紀要邊人呼爲新泰州是也

元初爲開元路治後爲開元路屬境

元史地理志開元路古肅慎之地隋唐曰黑水靺鞨唐以其地爲燕州置黑水府東瀕海南界高麗西北與契丹接壤即金鼻祖之部落也太祖阿古達滅遼即上京設都海陵遷都於燕改爲會寧府金末其將蒲鮮萬奴據遼東元初癸巳歲出師伐之生擒萬奴師至開元率賓東土悉平開元之名始見

於此乙未歲立開元南京二萬戶府治黃龍府至元四年更遼東路總管府二十三年改爲開元路

滿州源流考開元本金上京境內地元兵至此遂定其地而故上京一帶俱已殘毀因改建開元路其初寄治黃龍府後徙於開元縣地明初因以設衛吉林舊聞錄元初曾僑治開元路總管於此後徙今奉省開元縣

按元志開元路即金會寧府又開元萬戶治黃龍府考遼黃龍府金改隆州非會寧也考金史地理志會寧府山有長白青嶺水有按出虎混同江洩流河吉林通志謂按出虎即阿什河洩流河即拉林河皆在今阿城縣境其謂白城爲金上京會寧信而可徵又會寧舊縣二宜春曲江宜春大定七年置有鴨子河開元無有也且會寧自會寧黃龍府自黃龍府謂開元治黃龍府可也謂開元即黃龍府不可也開元固非今開原一縣地也又元一統志開元路南鎮長白之山北浸鯨州之海三京故國五國故城

亦東北一都會也觀此可以知開元之爲開元並可曉然於黃龍府之所在矣

明初爲三萬衛後屬蒙古科爾沁部

明史地理志三萬衛元開元路洪武初廢二十年十二月置三萬衛於故城西兼

置兀者野人乞例迷女直軍民府二十一年府罷遷衛於開元城南距都司三百三十里

按吉林舊聞錄明初爲伊屯河衛旁境又伊爾們河衛永樂十五年與伊屯河同置舊訛衣迷今伊爾們河在吉林城西一百四十里會伊通河入混同江皆流經農安

文獻通考輿地考科爾沁東西距八百七十里南北距二千一百里東至札賚特界西至札嚕特界南至奉天錦州二府邊界北至索倫界至京師一千二百八十里漢遼東郡北境後漢爲扶餘鮮卑境唐爲契丹及靺鞨地遼爲

上京道之東境東京道之北境金分屬上京路北京路及咸平路元爲開元路之北境明初以元後烏梁海置外衛自黃泥窪踰鐵嶺至開元曰福餘衛地即以酋長掌衛事後叛服不常洪熙間其酋居嫩江後自立國爲科爾沁亦稱北嫩江蒙古素屬於察哈爾清太祖高皇帝甲午年遣使通好天命初其貝勒莽古斯札爾固齊來朝以壤地相接結爲婚姻其後爲察哈爾所侵太祖高皇帝命將赴援察哈爾夜遁十一年其貝勒奧巴遂率其兄弟先諸蒙古舉部來降賜以土謝圖汗每有征伐並以師來會優賜與他部獨異後編爲六旂科爾沁左翼旗科爾沁左翼後旗科爾沁右翼旗科爾沁右翼後旗科爾沁右翼前旗科爾沁右翼後旗爵無定員今爲親王四人郡王四人貝勒二人貝子一人鎮國公二人輔國公六人

郭爾羅斯東西距四百五十里南北距六百六十里東至黑龍江將軍地界西與北並至科爾沁界南至奉天府及吉林邊界至京師一千八百九十七

農安縣志

卷一 沿革

十一

里唐時爲契丹地遼置泰州昌德軍屬上京道金因之大定間廢承安二年移州於長春縣以故地爲金安縣隸之元爲遼王納顏分地明爲科爾沁所據後分與其弟是爲郭爾羅斯天聰七年其台吉古木及布木巴隨土謝圖汗奧巴舉部來降後編爲第二旗各置掌旗札薩克仍統領於科爾沁左翼其封爵無定員今爲鎮國公一人輔國公一人一等台吉一人

郭爾羅斯前旗

駐古爾班宗罕在喜峯口東北一千四百八十七里東西距二百三十里南北距四百里東至後旗界西與北並至科爾沁界南至奉天府邊牆界清順治五年封古木之弟


桑阿爾寨爲輔國公七年以古木之子昂安嗣爲輔國公世襲掌前旗札薩克事

郭爾羅斯後旗


駐榛子嶺在喜峯口東北一千五百七十里東西距二百二十里南北距二百六十里東與北並至杜爾伯特界西至前旗界南至伯都訥界清順治五年封布木巴爲鎮國

公世襲掌後旗札薩克事


旗 王 府



壁 影 前 門 府 王




門



王 府 門 前 大 樹



府 前 樹 林



清屬長春廳設農安分防昭磨後設農安縣

吉林通志長春原名寬城屬蒙古郭爾羅斯游牧地嘉慶五年於長春堡設理事通判名長春廳道光五年移建於此仍舊名同治四年始挖城壕修築木板城垣光緒八年改理事通判爲撫民通判並增設農安分防昭磨十五年裁撫民通判升爲府移農安昭磨駐靠山屯十六年又移駐府東北九十里朱家城子

按長春遼地名遼史本紀延禧親征率蕃漢十餘萬出長春路是也吉林舊聞錄元屬開元路元太祖遣弟哈布圖征郭爾羅斯部擒其酋十六傳至烏巴什遂踞之分前後二旗清天命九年歸清嘉慶五年因墾民日衆借前旗地置長春理事通判設廳治於新立屯南距今縣治十五里道光五年移於現在治所寬城子光緒八年改稱撫民通判十五年升爲府今改縣

吉林通志農安縣爲金隆安府後爲蒙古郭爾羅斯游牧地光緒八年始設

農安縣志

卷一 沿革

十二

分防昭磨屬長春府管轄十五年改設知縣隸長春府

按吉林舊聞錄農安縣土名龍灣縣治旁古塔建於遼聖宗時相稱龍安塔音訛又似農安遂爲縣名又據調查縣境本長春之農安鄉故仍之

農安縣地理報告表光緒十五年設縣併設佐貳等官巡檢儒學各一全區十二社迤西一帶設分防主簿三十四年將西北三社劃歸長嶺縣餘九社改爲心正意誠身修泰民安九區宣統二年改民泰兩區爲鎮餘皆爲鄉修鄉又分東西共八鄉宣統三年將儒學裁撤民國二年又將巡檢裁撤農安鄉土志稿嘉慶五年吉林將軍富俊奏准設長春廳借蒙地安民光緒七年出放龍灣夾荒地迤北東曰農安鄉有頭二三甲西爲恆裕鄉有十四十五甲光緒八年設分防昭磨十五年設農安縣分十二社曰康惠和勤儉樂裕豐祥治平略

按丁未報告書經縣長李濟航明府已於三十三年改社爲區曰心正意

誠身修家齊國泰民安戊申報告書祇餘心正意誠身修泰民安九區是
已將家齊國三區分歸長嶺矣報告表云分長嶺三社後改區未審也鄉
土志稿謂光緒七年放荒亦未合詳田賦

農
安
縣
志

卷一
沿革

十三

農安縣志

大事

江省通志云志缺大事於義未備旨哉斯言考記事之書有三曰史曰書曰志史有紀書有傳不言大事而大事自寓其中志則不然因事列目目所未及雖其大者不能附入其體然也山東曲阜縣志列通編一門編年紀月蓋取通鑑綱目之例細考之皆大事也他縣縣志大抵重沿革而輕大事志沿革者十志而九志大事者十無二三焉識者憾之不知大事沿革相爲表裏有大事以證沿革則歷代之源流始悉有沿革以考大事則大事之統系益明知此者其惟吉林通志乎開宗明義首記大事殆爲全志發其凡焉惟省志以省爲範圍自肅慎挹婁以迄滿洲各紀載一望而知爲吉林之大事縣志以縣爲範圍未審沿革而先及大事有不知縱橫睥睨之誰屬者矣茲仿其例而異其次庶有合於古之作者乎志大事

農安縣志

大事

庚虞舜二十有五載考虞書舜典年皆作載十以下加有字通鑑編年亦從此例謹依改正肅慎氏來朝貢弓矢竹書紀年

庚周武王十有四年肅慎氏貢弓矢通鑑輯覽

楛矢石矰楛木之矢以石爲鏃長尺有咫王欲昭令德之致遠銘其括曰肅慎氏之貢

矢通鑑輯覽

辛十有五年依通鑑周書例加有字息慎氏來賓竹書紀年

甲成王九年肅慎氏來朝王使榮伯錫肅慎氏命竹書紀年

逸周書王會解成周之會正北方稷慎大塵孔晁注稷慎肅慎也

己新莽始建國元年班符命於天下其東出者至扶餘資治通鑑

己後漢光武皇帝二十五年夫餘王遣使貢獻光武厚答報之於是使命歲通

後漢書東夷傳

農安縣志

卷一 大事

十五

扶餘國後漢通焉初北夷索離國後漢書高麗稱東夷茲獨曰北夷其在扶餘北可知王有子曰東明長而善

射王忌其猛而殺欲殺之東明奔走南渡掩瀝水因至扶餘而王之杜佑通典邊防

辛亥安帝永初元年夫餘犯塞殺傷吏人後漢書安帝紀

夫餘王始將步騎七八千人寇鈔樂浪殺傷吏民後復歸附後漢書東夷傳

庚永寧元年夫餘王遣子詣闕貢獻安帝紀

夫餘王遣嗣子尉仇台詣闕貢獻天子賜尉仇台印綬金綵後漢書東夷傳

辛建光元年冬十二月高句驪馬韓濊貊圍元菟城夫餘王遣子與州郡并力

破之安帝紀

句驪王宮率馬韓濊貊數千騎圍元菟夫餘王遣子尉仇台將二萬餘人與

州郡并力討破之斬首五百餘級東夷傳

壬延光元年春二月夫餘王遣子將兵救元菟擊高句驪馬韓破之遂遣使貢

獻安帝紀

是年三月丙午改元延光安帝紀

子丙順帝永和元年春正月夫餘王來朝順帝紀

其王來朝京師帝作黃門鼓吹角抵戲以遣之東夷傳

丑辛桓帝延熹四年十二月夫餘王遣使來獻桓帝紀

是年遣使朝賀貢獻東夷傳

未丁永康元年夫餘王夫台寇元菟元菟大守公孫域擊破之斬首千餘級東夷傳

通志尉仇台傳位居中並無夫台名號疑有誤或其別號吉林通志作元台未知孰是

子壬靈帝熹平三年夫餘國遣使貢獻三國志

子庚獻帝延康元年夫餘王遣使貢獻同上

考范書獻帝紀建安二十五年三月改元延康十月帝遜位是十月以前猶為漢也

農安縣志

卷一 大事

十六

魏正始中幽州刺史母邱儉討句驪遣元菟太守王頎詣夫餘位居遣犬加郊

迎供軍糧同上

乙晉武帝太康六年夫餘為慕容廆所襲破其王依慮自殺子弟走保沃沮晉書

東夷傳

帝為下詔曰夫餘王世守忠孝為惡虜所滅甚愍念之若其遺類足以復國者當為之方計使得存立有司奏護東夷校尉鮮于嬰不救夫餘失於機略詔免嬰以何龕代之同上

午丙七年夫餘後王依羅遣詣龕求率見人還復舊國仍請援同上

龕上列遣督郵賈沈以兵送之廆又要之於路沈與戰大敗之廆眾退羅得復國爾後每為廆掠其種人賣於中國帝愍之又發詔以官物贖還下司冀二州禁市扶餘之口同上

未丁穆帝永和三年姚遣世子儁及廣威軍渡遼恪折衝慕輿根三將軍率騎萬

七千襲夫餘虜其王元及部衆五萬餘口而還孰署元爲鎮軍將軍以女妻之

十六國春秋前燕錄
按周濟晉略作滅夫餘

甲 晉孝武帝太元九年故夫餘王榮陽大守餘蔚率其衆來降拜蔚爲征東大

將軍統府左長史仍封夫餘王

十六國春秋後燕錄

丁 魏文成帝太安元年冬十二月扶餘國朝獻

魏書高宗紀加手旁始此

夫

按魏隋書不爲夫餘立傳茲猶見之豈肅慎貢晉渤海朝唐之類歟後雖不免爲高麗所併而晉武之興滅繼絕實有足多者焉

隋開皇中粟末靺鞨與高麗戰不勝厥稽部長都塔濟

原作突地稽

率八部勝兵數

千人自夫餘城西北舉落內附置順州以處之

遼史地理志高句驪稱高麗始此

按隋書煬帝初渠帥度地稽率其部來歸即其事

辛 未 隋煬帝大業七年春下詔征高麗

資治通鑑

高句驪出於扶餘自言先祖朱蒙至普述水遇三人一著麻衣一著衲衣一

農 安 縣 志

卷一 大事

十七

著水藻衣同至紇升骨城遂居焉號曰高句驪因以爲氏朱蒙死子閭達立閭達死子如栗立如栗死子莫來立乃征夫餘夫餘大敗遂統屬焉

魏書列傳通

壬 申 八年春詔左十二軍出蓋馬南蘇元菟扶餘沃沮等道左十二軍出肅慎等

道

資治通鑑

征高麗也

辛 卯 唐太宗五年高麗築長城

朝鮮史略

詔遣廣州督都府司馬長孫師收瘞隋時戰亡骸骨毀高麗所立京觀建武懼伐其國乃築長城東北自扶餘城西南至海千有餘里

舊唐書東夷傳

辛 酉 高宗龍朔元年正月鴻臚卿蕭嗣業爲扶餘道行軍總管以伐高麗

新唐書高宗紀

戊 辰 總章元年二月李勣等拔高麗扶餘城

資治通鑑

先是李勣拔高麗新城遂進攻一十六城皆下之已而左武衛將軍薛仁貴

擊破高麗兵於金山乘勝將攻扶餘城扶餘國之故城諸將以其兵少止之仁貴曰兵不必多顧用之如何耳遂爲前鋒以進與高麗戰大破之遂拔扶餘城通鑑

輯覽

聖歷唐武后年號中渤海靺鞨大祚榮自立爲振國王

渤海靺鞨大祚榮者高麗別種也高麗既滅祚榮率家屬徙居營州渡遼水

三字依吉林通志添

又渡天門嶺萬歲通天中東保桂婁之故地據東牟山築城以居

之靺鞨之衆及高麗餘燼稍稍歸之聖歷中自立爲振國王其地直營州東

二千里南與新羅相接越喜靺鞨北至黑水地方二千里舊唐書北夷傳

又渤海本粟末靺鞨附高麗者姓大氏高麗滅率衆保挹婁之東牟山地直

營州東二千里南北新羅以泥河爲界東窮海西契丹盡得扶餘沃沮弁韓

朝鮮海北諸國先天中遣使拜渤海郡王以所統爲呼汗州都督自是始去

靺鞨號專稱渤海新唐書北狄傳

農安縣志

卷一 大事

十八

乙遼太祖天贊四年按通鑑以千支紀年史體則否續通志遼紀元年太祖安巴堅(即阿保機)即皇帝位夏四月唐梁王朱全忠廢其主尋弒之自立爲帝國號梁遣使來告歲在丁卯與唐

天復元年歲辛酉哈陶津汗立以太祖爲本部阿爾奇木專征討越五年太祖即位是爲唐天復七年梁朱晃開平元年千支皆合謹依通鑑例書之十二月乙亥詔親征渤海大

誣譟四月壬辰祠木葉山己酉次色克山丁酉次商嶺夜圍扶餘府續通志遼紀

丙天顯元年後唐明宗天成元年春正月庚申拔扶餘城丙寅夜圍忽汗城辛未誣譟出

降二月壬辰以青牛白馬祭天地大赦改元以平渤海遣使報唐甲午如忽汗

城丙午改渤海國爲東丹忽汗城爲天府册皇太子倍爲人皇王以主之丁卯

幸人皇王宮癸未宴東丹國僚佐頒賜有差乙酉班師以大誣譟舉族行四月

丁亥朔次織子山六月丙午次慎州七月甲戌次扶餘府帝不豫辛巳上崩同上

又遼本紀太祖所崩行宮在扶餘城西南兩河之間後建昇天殿於此而以扶餘爲黃龍府丁亥契丹述律后使少子安端少君守東丹與

長子突欲即倍奉契丹主之喪將其衆發扶餘城資治通鑑

阿保機兵力雄盛東北諸番多臣屬之以渤海土地相接常有吞併之志下

渤海未幾即死渤海王命其弟率兵攻扶餘城不能克保衆而退五代會要

按五代史四夷附錄阿保機攻渤海取其扶餘一城以爲東丹不知扶餘乃渤海一城忽汗州乃其國都也

子戊太宗天顯三年春正月己未黃龍府婁泥河女直達羅噶原作達來貢遼史太

女真本肅慎國也本名珠理真番語訛爲女真或以爲黑水靺鞨之種而渤海之別族有七十二部落無大君長極遠而近東海者謂之東海女真多黃髮鬢皆黃目睛綠者謂之黃頭女真北盟彙編

隋開皇時曾入貢其族分六部有黑水部即今女真唐貞觀中靺鞨來朝太宗問其風俗因言及女真之事自是中國始聞其名契丹目之曰慮真五代時始稱女真後避契丹主宗眞諱更爲女直俗訛爲女質阿保機吞北方三十六番此其一也文獻通考四裔考

寅庚五年四月乙未人皇王歸國十一月戊申東丹奏人皇王浮海適唐遼史太宗紀初阿保機死長子東丹突欲當立其母述律遣其幼子愛端少君之扶餘代

農安縣志

卷一 大事

十九

之將立以爲嗣然述律尤愛德光德光有勇智素已服其諸部安端已去而諸部希述律意共立德光突欲不得立長興後唐明宗年號元年自扶餘渤海奔於唐明宗因賜其姓爲東丹名曰慕華

丁未大同元年春正月辛卯封晉主重貴爲負義侯徙之黃龍府通鑑輯覽遼史地理志黃龍府本渤海扶餘府

契丹制降晉少帝爲光祿大夫檢校太尉封負義侯黃龍府安置舊五代史癸卯遣趙瑩馮玉李彥韜將三百騎送負義侯及其母李氏太妃婁氏妻馮氏弟重睿子延煦延寶等於黃龍府安置仍以其宮女五十人內宮三人東西班牙五十人醫官一人控鶴四人庖丁七人茶酒司三人儀鸞三人健卒十人從之遼史太宗紀

己酉世宗天祿三年按遼紀改大同元年爲天祿元年契丹國志以明年爲天祿元年與史異春二月遷故晉主重貴於建

州續通志遼紀

漢乾祐二年二月徙帝太后於建州自遼陽東南行千二百里至建州節度使延暉避正寢以館之去建州數十里外得地五十餘頃帝遣從行者耕而食之五代史晉家人傳

甲子 穆宗應歷十四年夏四月丁巳黃龍府甘露降遼史穆宗紀

乙亥 景宗保寧七年秋黃龍府衛將雅爾丕勒叛遣敝史耶律曷里必討之

黃龍衛將雅爾丕勒原作燕頗殺都監張琚以叛遣敝史耶律曷里必討之九月

敗燕頗於洽河遣其弟安搏追之燕頗走保兀惹城安搏乃還以餘黨千餘

戶城通州遼史景宗紀

丁亥 聖宗統和五年春三月癸亥幸長春宮聖宗紀

賞花釣魚以牡丹遍賜羣臣歡宴累日遼史聖宗紀按遼長春宮有二一在南京一在長春此與十七年正月

朔所幸之長春宮則非南京也

壬戌 太平二年春三月甲戌如長春州同上

農安縣志

卷一 大事

二十

甲子 四年春庚寅如鴨子河二月乙未獵塔魯河詔改鴨子河曰混同江塔魯河

曰長春河同上

乙丑 五年春正月乙酉如混同江是曰如魚兒灤以後歲為常事不備書三月如長春河魚兒

灤其水一夕有聲如雷越沙岡四十里別為一陂同上

丙寅 六年春黃龍府請建保障三烽臺十詔以農隙築之同上

辛未 興宗景福元年即太平十一年冬十月賑黃龍府饑續文獻通考

己卯 重熙八年冬十一月己酉城長春遼史興宗紀

庚辰 九年十一月甲子女直侵邊發黃龍府鐵驪軍擊之同上

甲申 十三年夏四月己酉遣東京留守耶律浩善知黃龍府事續通志遼紀

癸巳 二十二年閏七月長春州置錢帛司同上

乙未 二十四年春正月癸亥如混同江二月癸巳如長春河三月癸亥皇太弟重

元生子曲赦行在及長春鎮北二州徒以下罪同上

丙道宗清寧二年冬十一月戊戌以北院大王耶律仙童知黃龍府事遼史道宗紀

辛七年冬十一月壬午以知黃龍府事耶律勒札為南院大王同上本傳以南院作北院

丁咸雍三年夏六月辛亥宋以即位遣使來告按通鑑輯覽英宗以治平四年丁未春正月崩太子頓即位是為神宗報在六月故云

即遣知黃龍府事蕭托古斯中書舍人馬鉉往賀續通志遼紀

戊咸雍四年七月一日女直完顏阿固達生見金史

丙太康二年春二月戊子賑黃龍府饑遼史道宗紀

壬八年三月庚戌黃龍府女直部長鐘鼎原作朮乃率部民內附予官賜印綬同上

辛天祚帝乾統元年即壽隆七年是歲生女真部節度使英格原作揚割死傳於兄之子

武雅淑淑死其弟阿固達襲

以後多記女真事故謹書之

壬天慶二年春二月丁酉如春州幸混同江釣魚天祚紀

生女真酋長在千里內者以故事皆來朝適遇頭魚宴酒半酣上臨軒命諸

農安縣志

卷一 大事

二十一

首次第起舞獨阿固達辭以不能諭之再三終不從他日上謂樞密使蕭奉先曰前日之宴阿固達意氣雄豪顧視不常可託以邊事誅之否則必貽後患奉先曰羸人不知禮義無大過而殺之恐傷向化之心假有異志又何能為同上

甲四年春正月如春州秋七月阿固達以尼楚赫伊埒羅索棟摩等為帥集女真諸部兵攻遼冬十月取寧江州續通志遼紀

時帝在慶州射鹿遣海州刺史馬仙壽統渤海軍以援蕭托卜嘉遇女真與戰於寧江東敗績續通志遼紀

九月阿固達史作太祖進軍寧江州次寥晦城諸路兵皆會於來流水宋元通鑑作拉林水

得二千五百人致遼之罪申告於天地遂命諸將傳挺而誓明日次扎只水將至遼界先使宗幹督士卒夷塹既渡遇渤海軍攻其左翼七謀克衆少却敵軍直犯中軍斜也出戰哲埒先驅阿固達曰戰不可易也遣宗幹止之宗

幹馳出斜也前控止哲埝馬斜也遂與俱還敵人從之史金耶律色實墜馬阿固達射殺之子宗幹與數騎陷遼圍中阿固達救之免胄戰或自旁射之阿固達顧見射者一矢而斃謂其下曰盡敵而止衆從之勇氣百倍遼軍大奔蹂踐死者十七人薩哈在別部聞之使其子宗幹完顏希伊來賀勸其稱帝阿固達曰一戰而勝遂稱大號何示人淺也進軍甯江州填塹攻城甯江人自東門出邀擊盡殪之宋元通鑑

冬十月朔克其城金史

十一月遼遣都統蕭嗣先奉先弟

伐女真阿固達迎戰於混同江遼軍大敗通鑑輯覽

遼主聞甯江州陷以司空蕭嗣先爲東北路都統蕭托卜嘉副之發契丹奚軍三千及京中禁兵等七千屯珠赫舊作出河店阿固達率衆來禦未至混同江會夜方就枕若有扶其首者三寤而起曰神明警我也即鳴鼓舉燧而行黎明至混同江遼兵方壞陵道阿固達選壯士十人擊走之因帥衆繼進遂登

農安縣志

卷一 大事

二十二

岸與遼兵遇會大風起塵埃蔽天阿固達乘風奮擊遼兵潰將士多死獲免者十有七人通鑑輯覽

十二月咸賓祥三州及鐵驪烏舍皆叛入女真伊實原作乙薛往援賓州南軍諸將

實喇原作實婁圖烈原作特烈等援咸州並爲女直所敗天祚紀

乙未五年金太祖收國元年是歲天祚亡春正月女真完顏阿固達稱帝國號金改元收國通鑑輯覽

阿固達既屢勝遼其弟烏奇邁率將佐勸稱帝不許鄂蘭合瑪爾原作阿離合滿等

復言之阿固達乃用楊朴策於正月朔即皇帝位曰遼以賓鐵爲號取其堅

也賓鐵雖堅終以敗壞惟金不變不壞金之色白完顏色尙白况所居愛新

水原注即今呼爾哈河唐時謂之忽汗河金以後謂之金水河國語以金爲愛新因又謂之金源之上於是國號大金改元

收國同上

金擊遼兵於達羅克舊作達魯古城大敗之通鑑輯覽

金主自將攻遼黃龍府進薄益州州人走保黃龍金取其餘民而去遼遣都

統額爾德副統蕭伊錫舊作薛右副統耶卓諾舊作特末衍都監蕭謝佛哩舊作佛留將

騎二十萬戍邊且屯田以爲長久計金主聞之率衆趨達羅克城登高望遼

兵若連雲灌木狀顧謂左右曰遼兵心貳而情怯雖多不足畏遂趨高阜爲

陣穆哩庫烏雅舒長子後更名宗雄按穆哩庫舊作謀良虎以右翼先馳遼左軍左軍却洛索舊作斐室尼楚赫

舊作銀衝中堅陷陣力戰尼瑪哈以中軍助之遼兵遂敗金兵追躡至其營

會日暮圍之黎明遼軍潰圍出金人逐北至阿魯舊作阿婁岡遼步卒盡殫耕具

皆爲金所獲是役也遼人本欲屯田且戰且守故併其耕其皆失之同上

九月取遼黃龍府通鑑輯覽

金主攻黃龍府次混同江水深無舟以渡金主使一人導前乘赭白馬徑涉

曰視吾鞭所指而行諸軍隨之才及馬腹遂克黃龍府同上

丁酉天輔二年春三月庚子戍黃龍府

以羅索言黃龍府地僻且遠宜重戍守乃合命諸路穆昆以羅索爲萬戶鎮

農安縣志

卷一 大事

二十三

之金史

冬十二月黃龍府仍附於遼宗輔討平之續通鑑

丑辛五年二月分諸路明安穆昆之民萬戶屯泰州以博勒和統之賜耕牛五十

時伐遼取泰州徙遼降人居之命千戶穆昆宗雄按視泰州地土宗雄包其

土來奏曰其土如此可耕種也續文獻通考

庚戌太宗天會八年按通鑑輯覽宋欽宗靖康元年丙午分注金太宗完顏晟天會四年始有干支可紀秋七月辛亥詔給泰州都統博

勒和所部諸穆昆甲冑各五十金史

壬子十年秋七月甲午振泰州路戍邊戶宏簡錄

八月甲申黃龍府置錢帛司續文獻通考

己未熙宗亶大眷二年以黃龍府爲濟洲軍曰利涉續文獻通考

乙丑皇統五年春二月乙未次濟州春水宏簡錄

壬申海陵王天德四年春二月戊子次泰州續通鑑

是年金主亮三月始改元貞元故仍稱天德

壬午世宗大定二年春正月甲午命咸平濟州軍三萬人屯京師二月庚寅詔平

章政事伊喇元宜泰州路規措邊事續通志

秋七月壬戌詔發濟州會寧軍在京師者以五千赴北京都統府續文獻通考

按北京會寧也貞元元年春三月改見續通鑑

癸未三年春三月詔臨潢漢民逐食於會寧濟信等州宏簡錄

己丑九年冬十一月丙戌振泰州諸明安民金史

戊戌十八年夏四月命泰州所管諸明安遇豐年多和糴續文獻通考

辛丑二十一年夏五月戊申增築泰州臨潢府等路邊堡及屋宇宏簡錄

乙巳二十五年夏五月癸卯遣使於泰州勸農續通志

按金史地理志泰州德昌軍節度使遼時本契丹二十部族牧地海陵王隆間置德昌軍隸上京大定二十五年罷之承安二年復置於長春縣以舊泰

農安縣志

卷一 大事

二十四

州為金安縣隸焉縣廢故自承安以後凡言泰州皆新泰州也

丙辰章宗承安元年冬十一月庚寅特們原作特滿契丹圖卜蘇原作陶鎖德壽反泰州軍

討平之金史

壬戌太和二年夏四月以北邊無事敕尙書省命東北路招討司還治泰州同上

冬十二月丁未敕臨潢泰州路兵馬都總管承裔等修邊備同上

宣宗貞祐初耶律瑠格聚眾隆安金人討之為所敗盡有遼東州郡稱遼王都

於咸平方輿紀要

壬申元太祖七年春正月故遼人耶律瑠格聚眾隆安自為都元帥遣使來附續通志

太祖起兵朔方金人疑遼民有他志瑠格不自安歲壬申遁至隆安韓州剽掠其地數月眾至十餘萬太祖命按陳諾延呼塔噶行軍至遼遇之間所從來曰將往附大國按陳曰我奉命討女真適與爾遇豈非天乎元史

辛酉世祖中統二年秋八月辛丑賈文備爲開元女直碩達勒達原作水達達等處宣

撫使元史九月癸未改開元路隸北京元史類編

冬十一月壬申罷十路宣撫司止存開元路續通鑑

壬戌三年夏六月乙丑割遼河以東隸開元路元史類編

癸亥四年夏四月己未罷開元路宣撫司元史

丙寅至元三年春二月甲申復立東京開元率賓原作恤品海蘭等路宣撫司元史類編

丁卯四年春正月戊午立開元等路轉運司元史

己巳六年春二月丁丑開元等路饑減戶賦布二疋秋稅減半元史

庚午七年秋七月乙丑以遼東開元總管府兼本路轉運司事元史類編

壬申九年秋七月丁巳拘括開元東京等路諸漏籍戶賑碩達勒達部饑元史

丙子十三年夏四月戊辰以河南兵未息開元路民饑並弛正月五月屠殺之禁

續通志

農安縣志

卷一 大事

二十五

秋七月丙午改開元宣撫司爲宣慰司元史

庚辰十七年冬十月甲戌遣使括開元等路軍三千征日本續通志

辛巳十八年秋八月壬辰以開元等路六驛饑命給幣帛萬二千疋民鬻妻子者

官爲之贖元史

甲申二十一年夏四月戊申命開元等路宣慰司造船百艘付狗國戍軍續通志

丙戌二十三年春二月罷山北遼東開元等路宣慰司元史

冬十二月乙未遼東開元路饑賑糧三月元史

丑己二十六年春二月哈坦兵寇呼嚕口開元路治中烏延雅勒呼破之續通志

庚寅二十七年春二月戊寅開元路饑續文獻通考

夏五月乙巳哈坦寇開元元史

辛卯二十八年冬十月辛卯詔給蒙古人內附者及開元南京碩達勒達等三萬

人牛畜田器續文獻通考

壬辰二十九年閏二月丁酉開元等路雹害稼免田租七萬七千九百八十八石

史元

丙申成宗元貞二年冬十二月開元路旱續文獻通考

己亥大德三年夏四月遼東開元咸平蒙古女直人乏食以糧二萬五百石布三

千九百疋賑之續文獻通考

辛卯七年開元路雨水壞田廬元史

壬子仁宗皇慶元年夏六月開元路風雹害稼續文獻通考

戊午延祐五年開元路水續文獻通考

辛酉英宗至治元年夏五月壬寅開元路霖雨傷稼秋七月壬申開元路大水元史

乙丑泰定帝泰定二年秋九月壬戌開元路三河溢沒民田壞廬舍元史

戊辰致和元年夏六月開元路水續文獻通考

庚午文宗至順元年春二月己丑開元路呼爾哈萬戶府軍士饑給糧賑之

農安縣志

卷一 大事

二十六

秋七月開元路旱續文獻通考

丁卯明太祖洪武二十年夏六月馮勝至金山納克楚降通鑑輯覽

初元太尉納克楚擁衆數十萬屯金山數侵遼東分兵爲三營一曰榆林深

處一曰養鵝莊一曰龍安伊圖河畜牧蕃盛及爲大軍行所逼因請降將士

妻子十餘萬在松花河北凡二十餘萬人所獲輜重馬畜亘百餘里還至亦

迷河復收殘卒二萬餘通鑑輯覽參明史

按龍安即農安伊圖河即伊通河松花河即松花江亦迷河即伊馬河

農安縣志

象緯

象緯有志肇自鄭氏各考因之研究益詳農安在遼金以前未奉正朔遼太宗大同年國始有歷聖宗統和十二年頒行大明歷大明歷者宋武帝大明六年祖冲之所上之書也是爲前代奉正朔之始金初不知紀年以草一青爲一歲太宗天會十五年正月朔復頒行大明歷金之有歷也自此始元許衡參考累代歷法測候日月星辰消息運行之變區別同異酌取中數以爲歷本已開後世測候法門明史天文志以京師子午線爲中而以各地偏度定節氣之早晚推步雖未精確而後世以經差求時差諸法實不外此茲首列經緯以定方位次詳日躔以遵古歷次經差時差而標準時地方時胥視此矣他如雨計雪量風向氣候皆象緯之大者亦靡敢略焉

志象緯

農安縣志

象緯

經緯度

吉林通志輿地總表農安縣北極出地四十四度三十五分距吉林緯度北四十分距順天緯度北四度四十分偏吉林經度西一度三十九分偏順天經度東八度四十分

吉林省疆域經緯方里統計表農安縣全境極東佔東經九度二十七分極西佔東經八度二十一分極南佔北緯四十四度三十三分極北佔北緯四十四度五十分東至紅石砬子界榆樹縣西至長嶺縣界南至兩宜門界長春縣北至張家店界蒙古一萬九千三百六十方里縣城所在佔東經八度四十八分北緯四十四度三十五分佔世界經度一百二十五度十四分

按世界經度前考各輿圖定京師爲東經一百一十七度零五分近奉文飭

農安縣志

卷一 象緯

二十八

京師距格林威治爲一百一十六度二十六分

又考樂前知事農安縣署報告書農安縣面積一萬三千八百方里係經實地調查以縱橫週圍斜距里數合計似爲可據統計表未識何考

農安戊己報告書北極出地四十四度二十二分一十五秒京師偏東八度三十五分一十三秒偏北四度三十分零一十五秒

至北界蒙古郭爾羅斯公前旗地京師偏北四度五十四分一十五秒距城八十里

按中學初級混合數學北京佔北緯三十九度五十八分距格林威基東經一百一十六度二十九分奉文飭知六字恐爲九字之悞又考農安縣佔世界東經一百二十五度零九分實偏京師東經八度四十分

農安縣志

象緯

日躔

日躔星紀宮初度冬至日出辰初一刻十分日入申正二刻五分晝三十六刻十分夜五十九刻五分

日躔星紀宮十五度小寒日出辰初一刻七分日入申正二刻八分晝三十七刻七分夜五十八刻十四分

日躔元枵宮初度大寒日出辰初刻十二分日入申正三刻三分晝三十八刻夜五十七刻九分

日躔元枵宮十五度立春日出卯正三刻十二分日入酉初初刻三分晝四十二刻六分夜五十五刻九分

農安縣志

卷一 象緯

二十九

十二分夜五十三刻三分

日躔娵訾宮十五度驚蟄日出卯正一刻五分日入酉初二刻十分晝四十五刻五分夜五十刻十分

日躔降婁宮初度春分日出卯正初刻日入酉正初刻晝四十八刻夜四十八刻

日躔降婁宮十五度清明日出卯正二刻十分日入酉正一刻五分晝五十三刻十分夜四十五刻五分

日躔大梁宮初度穀雨日出卯初一刻六分日入酉正二刻九分晝五十三刻三分夜四十二刻十二分

日躔大梁宮十五度立夏日出卯初初刻三分日入酉正三刻十二分晝五十五刻九分夜四十刻六分

日躔實沈宮初度小滿日出寅正三刻三分日入戌初初刻十二分晝五十七

刻九分三十八刻六分

日躔實沈宮十五度芒種日出寅正二刻八分日入戌初一刻七分晝五十八刻十四分夜三十七刻一分

日躔鶉首宮初度夏至日出寅正二刻五分日入戌初一刻十分晝五十九刻五分夜三十六刻十分

日躔鶉首宮十五度小暑日出寅正二刻八分日入戌初一刻七分晝五十八刻十四分夜三十七刻一分

日躔鶉火宮初度大暑日出寅正三刻三分日入戌初初刻十二分晝五十七刻九分夜三十八刻六分

日躔鶉火宮十五度立秋日出卯初初刻三分日入酉正三刻十二分晝五十五刻九分夜四十刻六分

日躔鶉尾宮初度處暑日出卯初一刻六分日入酉正二刻九分晝五十三刻

三分夜四十二刻十二分

日躔鶉尾宮十五度白露日出卯初二刻十分日入酉正一刻五分晝五十刻十分夜四十五刻五分

日躔壽星宮初度秋分日出卯正初刻日入酉正初刻晝四十八刻夜四十八刻

日躔壽星宮十五度寒露日出卯正一刻五分日入酉初二刻十分晝四十五刻五分夜五十刻十分

日躔大火宮初度霜降日出卯正二刻九分日入酉初一刻六分晝四十二刻十二分夜五十三刻三分

日躔大火宮十五度立冬日出卯正三刻十二分日入酉初初刻三分晝四十四刻六分夜五十五刻九分

日躔析木宮初度小雪日出辰初初刻十二分日入申正三刻三分晝三十八

刻六分夜五十七刻九分

日躔析木宮十五度大雪日出辰初一刻七分日入申正二刻八分晝三十七

刻一分夜五十八刻十四分

以上皇朝
文獻通考

按此中原時也農安現行曆即以此爲標準古法以周天爲三百六十五度四分度之一太陽每日行一度故十五日有奇行十五度有奇爲節爲氣今法以周天三百六十度十二分之爲十二宮各三十度二十四分之日行十五度爲節爲氣冬至至小寒止十四日有餘夏至至小暑則十六日不足此節度與日躔宮度相應者也

茲列京師日出入晝夜時刻由經差而求時差自可得各縣之時刻考周天三百六十度半在地上者爲一百八十度天頂距地極距赤道皆九十度黃道出入赤道南北各二十三度二十九分 京師北極出地三十九度五十五分在天頂距極五十度五分而赤道距天頂亦三十九度五十五分自京


而北二百里而極高一度自京而南二百里而極低一度而日月星之出入晝夜之長短亦因之而異是爲南北里差自京師而東一度而時遲四分自京而西一度而時早四分而交節之後先日月食之早晚因之而殊是爲東西里差節氣遲早皆可以京師別之考京師極高三十九度五十五分經度距格林威治一百一十六度一十九分農安偏東八度四十分以一度四分計之農安節氣時刻遲三十四分四十秒又吉林以西用中原時故先錄此

農安縣志

象緯

時差2 4 小時	生 經差3 6 0 °
” ” 1	” ” ” 1 5 °
” ” 1 分	” ” ” 1 5 °
” ” 1 秒	” ” ” 1 5 ’
經差3 6 0 °	生 時差2 4 小時
” ” 1 °	” ” ’ ’ 4 分
” ” 1 ’	” ” ’ ’ 4 秒
” ” 1 ”	” ” ’ ’ 1/秒

標準時 民國紀元前十年（清光緒二十八年）海關為劃一時刻起見以東經1 2 0 °之時刻為沿海各關通用之時稱之曰海岸時京奉京漢津浦等路綫及長江一帶均採用之入民國後中央觀象臺分全國為五時區以東經9 0 ° 1 5 0 °□1 2 0 °之時刻為標準者各一區皆整時區以東經9 0 °5 ’及1 2 7 °, 5 ’之時刻為標準者各一區皆半時區是為我國標準時區以圖明之



農安縣志

卷一 象緯

北京在格林維基東經 1 1 6 ° 2 9
 農安…………… 1 2 5 ° 9

4 0 秒			
入時分表			
2 0 秒	5 時	1 2 分	4 0 秒
2 0 秒	5 時	1 6 分	4 0 秒
2 0 秒	5 時	2 8 分	4 0 秒
2 0 秒	5 時	4 6 分	4 0 秒
2 0 秒	6 時	6 分	4 0 秒
2 0 秒	6 時	3 2 分	4 0 秒
2 0 秒	6 時	5 6 分	4 0 秒
2 0 秒	7 時	1 8 分	4 0 秒
2 0 秒	7 時	3 7 分	4 0 秒
2 0 秒	7 時	5 6 分	4 0 秒
2 0 秒	8 時	2 分	4 0 秒
2 0 秒	8 時	3 分	4 0 秒
2 0 秒	7 時	5 6 分	4 0 秒
2 0 秒	7 時	4 4 分	2 0 秒
2 0 秒	7 時	3 0 分	4 0 秒
2 0 秒	7 時	1 5 分	4 0 秒
2 0 秒	7 時	1 分	4 0 秒
2 0 秒	6 時	4 4 分	4 0 秒
2 0 秒	6 時	3 1 分	4 0 秒
2 0 秒	6 時	1 5 分	4 0 秒
2 0 秒	5 時	5 8 分	4 0 秒
2 0 秒	5 時	4 1 分	4 0 秒
2 0 秒	5 時	2 4 分	4 0 秒
2 0 秒	5 時	1 5 分	4 0 秒

農
安
縣
志

卷一
象緯

三十三

農安與北京經差	8度	40分
北京與農安兩地時差		34分
農安民國十二年一月至十二月各節氣日出		
小寒(1月6日)	6時	47分
大寒(1月21日)	6時	43分
立春(2月5日)	6時	31分
雨水(2月19日)	6時	13分
驚蟄(3月6日)	5時	53分
春分(3月21日)	5時	27分
清明(4月6日)	5時	3分
谷雨(4月21日)	4時	41分
立夏(5月6日)	4時	22分
小滿(5月22日)	4時	5分
芒種(6月7日)	3時	57分
夏至(6月22日)	3時	56分
小暑(7月8日)	4時	3分
大暑(7月24日)	4時	15分
立秋(8月8日)	4時	29分
處暑(8月24日)	4時	44分
白露(9月9日)	4時	58分
秋分(9月24日)	5時	13分
寒露(10月9日)	5時	28分
霜降(10月24日)	5時	44分
立冬(11月8日)	6時	1分
小雪(11月23日)	6時	18分
大雪(12月8日)	6時	33分
冬至(12月23日)	6時	44分

農安縣志

象緯

雨計

數之難計者莫如雨萬點千滴滲入地中無從稽核各志所謂得若干尺寸者大抵皆約數也近得中央觀象臺發明一器豐上銳下上有蓋蓋中有孔遇雨則滴貯其中視其符號以計數量名之曰量雨計農安第一校依以計雨而志即據之以志象緯焉

日期	雨計	紀要
1		
2		
3	4 5/10	
4		
5		
6		
7		
8		
9		
1 0		
1 1		
1 2		
1 3		
1 4		
1 5	4 3/10	
1 6		
1 7	4 1/10	
1 8		
1 9		
2 0		
2 1		
2 2	7 2/10	
2 3	7 5/10	
2 4	1 0 4/10	
2 5		
2 6		
2 7		
2 8		
2 9		
3 0		
3 1		
總計	3 7	

農安縣志

卷一 象緯

紀要	日期	雨計	紀要	日期	雨計	紀要
	1			1		
	2			2	1 0 3/10	
	3			3	4 5/10	
	4			4	2 4/10	
	5			5	1	
	6			6	1 8/10	
	7			7		
	8			8		
	9			9	1 3/10	
	1 0			1 0		
	1 1			1 1		
	1 2			1 2		
	1 3			1 3		
	1 4			1 4		
	1 5			1 5		
	1 6			1 6		
	1 7	1 8/10		1 7		
	1 8			1 8		
	1 9			1 9		
	2 0			2 0	3 5/10	
	2 1			2 1	9 2/10	
	2 2			2 2	2	
	2 3			2 3		
	2 4			2 4		
	2 5	1 3/10		2 5		
	2 6			2 6		
	2 7			2 7		
	2 8			2 8		
	2 9			2 9		
	3 0			3 0		
	3 1			3 1		
	總計	2 5		總計	3 5 9/10	

農
安
縣
志

卷一
象緯

三十五

民國十五年十一月雨計表							民國十五年十二月雨計表							
日期	計	雨	紀	要	日期	雨	計	紀	要	日期	計	雨	紀	要
1					1					1				
2					2					2				
3					3					3				
4					4					4				
5					5					5				
6					6					6				
7					7					7				
8					8					8				
9					9					9				
1 0	1	5/10			1 0					1 0				
1 1					1 1					1 1				
1 2	1	5/10			1 2					1 2				
1 3					1 3					1 3				
1 4					1 4					1 4				
1 5					1 5					1 5				
1 6					1 6					1 6				
1 7					1 7					1 7				
1 8					1 8					1 8				
1 9					1 9					1 9				
2 0					2 0					2 0				
2 1					2 1					2 1				
2 2					2 2					2 2				
2 3					2 3					2 3				
2 4					2 4					2 4				
2 5					2 5					2 5				
2 6					2 6					2 6				
2 7					2 7					2 7				
2 8					2 8					2 8				
2 9					2 9					2 9				
3 0					3 0					3 0				
3 1					3 1					3 1				
總計	3				總計					總計				

十六年一月雨計表			民國十六年二月雨計表			民國十六年三月							
雨	計	紀	要	日期	雨	計	紀	要	日期	雨	計	紀	要
				1					1				
				2					2				
				3					3				
				4					4				
				5					5				
				6					6				
				7					7				
				8					8				
				9					9				
				1 0					1 0				
				1 1					1 1				
				1 2					1 2				
				1 3					1 3				
				1 4					1 4				
				1 5					1 5				
				1 6					1 6				
				1 7					1 7				
				1 8					1 8				
				1 9					1 9				
				2 0					2 0				
				2 1					2 1				
				2 2					2 2				
				2 3					2 3				
				2 4					2 4				
				2 5					2 5				
				2 6					2 6				
				2 7					2 7				
				2 8					2 8				
				2 9					2 9				
				3 0					3 0				
				3 1					3 1				
				總計					總計				

農
安
縣
志

卷一
象緯

三十六

按農安今年得知時雨三播種時及耕耘前後是也共占以爲有年

日期	雨 計	紀 要
1		
2		
3		
4	1 5/10	
5		
6		
7		
8		
9		
1 0		
1 1		
1 2		
1 3		
1 4		
1 5		
1 6	2 5/10	
1 7		
1 8		
1 9		
2 0		
2 1		
2 2		
2 3		
2 4		
2 5		
2 6		
2 7		
2 8	9	
2 9		
3 0		
3 1		
總計	1 3	

農安縣志

象緯

雪量

農安降雪最大時不過尺許小或盈寸其花成六角形之結晶或成四方體類梅花無大如手者

每年雪量多寡無定大約月不過兩次十五年冬前後僅四次然皆不盈尺

相傳清咸豐年間有一次大雪深三尺光緒三十一年正月二十八日降至

二月初四日止深四尺民國三年二月二十日降雪深三尺人皆以爲異若

江東各縣則視如常事矣

積雪期融雪期

每年以立冬後爲積雪期春分後爲融雪期

雪量大小與春耕之關係

農安縣志

卷一 象緯

三十七

農安地多沙土冬雪大土脈滋潤春苗則旺雪小則地面乾燥播種不能生芽春若無雨則不能耕矣

雪量大小與人畜之關係

冬雪大人畜少疫惟牲畜不能野間覓食全賴人力飼養之

農安縣志

象緯

風向

春多西南風

夏多東南風

秋多西風東北風

冬多西北東北風

風向與寒暖

西南風暖以疾

東南風暖以徐

西風微寒而緩

東北西北風嚴寒而急

農安縣志

卷一 象緯

三十八

按風空氣也遇熱則漲遇冷則縮因漲縮而流動為風農安地居北溫帶南距熱帶四十四度三十三分空氣遇熱則漲漲則空氣濃厚北向流動其勢緩故南及東南西南風多暖北距寒帶四十五度二十七分空氣遇冷則縮縮則空氣稀簿輒有他空氣來補之相為激盪其勢疾故北及東北西北風多寒至四時之寒暑則又在地球轉動距日之遠近不盡關風向也

風向與陰晴

東南風 陰 西南風 或陰或晴

西北風 晴 東北風 晴多陰少

按地面溫潤之氣升空遇冷凝為微細水點浮遊於空中又或行至冷地溫空氣與冷空氣混合皆能成雲而陰農安南近熱帶日光之蒸發力强江河海洋之水被日光蒸而上升為汽隨風而北遇北方之冷空氣凝而為雲空氣稀簿則降而為雨故東南風輒陰西南風則陰晴無定北近寒帶距日光

較遠蒸發力小則地面之水不能化汽升而為雲沙漠之地有終年不雨者
 氣燥故也又寒帶之風能吹熱帶之氣而回散故東北西北風輒晴

風力表

微風	正二月
大風	三四月
微風	五月
無風	六月
微風	七八九十十一月
風	十二月
	備考

以上新調查

農安縣志

象緯

氣候

農安縣寒暑表

白露午卯華氏表六十五度 丙寅八月初二日記

秋分午卯華氏表五十二度 丙寅八月十八日記

按秋分四日編者驗表卯為四十二度秋分十二日卯為二十七度時夏歷八月二十一日也氣候不齊附註於此

寒露午卯華氏表三十三度 丙寅九月初三日記

霜降午卯華氏表二十二度 丙寅九月十八日記

農安縣志

卷一 象緯

四十

立冬午卯華氏表十四度 丙寅十月初四日記

小雪午辰華氏表八度 丙寅十月十九日記

自交節後天寒反暖

大雪午辰華氏表零下十度 丙寅十一月初四日記

按此後編者假歸局中無人記表不敢妄填故陰曆年前後各節從缺茲據農安縣公署報告書最高寒度華氏表至零下三度為止最高熱度至九十九度補註於此以資參考

清明午卯華氏表三十二度 丁卯三月初五日記

穀雨午卯華氏表十六度 丁卯三月二十日記

立夏午寅華氏表六十六度 丁卯四月初六日記

小滿午寅華氏表五十八度 丁卯四月二十二日記

按暑度未增昨日雨故

寅 六十二

芒種午寅華氏表七十度 丁卯五月初八日記

夏至午寅華氏表七十六度 丁卯五月二十三日記

小暑午寅華氏表八十二度 丁卯六月初十日記

大暑午寅華氏表八十七度 丁卯六月二十六日記

按修志至大暑而稿已脫故寒暑表亦止於此

農安縣志

輿地

漢書志地理史氏宗之淮南子以天爲蓋以地爲輿是爲後世稱輿地之始輿地有圖肇自周禮士訓掌道地圖以詔地事圖窮七首見秦王環柱而走僅乃得免漢蕭何入關先收秦圖籍是圖莫盛於秦代農安在前代未入職方肅慎氏起於北方無他族焉與之相頡頏滿洲源流考云其國南包長白北抵弱水東極大海廣袤數千里其實皆甌脫地也故夫餘王其西境肅慎不能爭且臣屬焉抑有由也遼金地理志備載五京及各府州而版圖未詳焉明季屬蒙古科爾沁部後封其弟郭爾羅斯爲蒙古游牧地清道光七年放荒安民光緒十五年分設縣治疆域以分區劃以立地質山水以及名勝險要始一一有可記載鄭樵云郡縣有時而更山川千古不易輿地不明沿革全非殆深有味乎其言之也志輿地

農安縣志

輿地

疆域

未分長嶺縣前之疆域

東至紅石碓子松花江榆樹縣界原作伯都訥今改正一百二十里西至糜子廠蒙古郭

爾羅斯公界二百一十里南至兩儀門長春府界十二里原作四十里今改正北至張家

店郭爾羅斯公界九十里東南至常家店長春府界十五里西南至八寶戶屯

西奉天懷德縣南長春府界一百八十里東北至八里營子松花江榆樹界一

百三十里西北至夏家窩堡郭爾羅斯公界一百二十五里東西廣三百三十

里南北袤一百一十里吉林通志

既分長嶺縣後之疆域

東濱伊通河距城二里東北濱松花江距城百四十里百三十里不等北接郭

農安縣志

卷一 輿地

四十三

爾羅斯公距城九十里西毗長嶺縣距城百二十里南抵長春縣距城或十五

里五十里不等地物調查表

又由縣治東行一百三十里與扶餘縣界南行八里與長春縣界西行一百一

十里與長嶺縣界北行八十里與郭爾羅斯公蒙界

由縣治東南行五里與長春縣界西北行九十五里與長嶺縣界東北行一百

四十五里與扶餘縣界西南行九十里與長春縣界橫二百二十里縱八十里

斜距二百七十五里周二百五十五里面積一萬三千八百方里以上地理報告表

農安縣志

輿地

區劃

初農安設治分全境爲十二社曰康惠和勤儉樂裕豐祥治平略光緒十八二十七年續放伏隆泉之荒名曰新社三十三年秋改爲十二區曰心正意誠身修家齊國泰民安三十四年秋劃西北齊家國三區隸長嶺縣治共餘九區復以城區爲中區共十區宣統二年冬改警區名稱中區改第一區安區第二誠區第三意區第四正區第五心區第六身區第七民區第八東修第九西修第十泰區第十一共十一區復以民泰兩區爲鎮餘皆爲鄉共二鎮八鄉民國元年自治停辦鄉鎮仍爲區民國十二年併爲五區十五年復改爲九區報告書及各卷謹爲列表以志沿革

農安縣社區沿革統系表 民國十六年六月

農安縣志

卷一 輿地

四十四

社別地別區別	農和裕社	農豐社	農樂社	農勤社	農儉社		農新社	農治社	農祥惠社	農康社	縣城
別	靠山屯	財神廟	黃花岡	高家店	哈哩海城子	龍鳳山	伏龍泉	巴吉壘	麒麟山		
區	心區	正區	意區	誠區	身區	東修區	西修區	泰區	民區	安區	中區
別	第六區	第五區	第四區	第三區	第七區	第九區	第十區	第十一區	第八區	第二區	第一區
併五區 禾詳											
新區	新二區	新三區	新四區	新五區	新四區	新七區	新八區	新九區	新六區	新四縣	新一區
備考						按東修由西修所分初未立社或曰即儉社				初縣城居農安區後以安區爲第二改設中區爲城區	

農安縣志

輿地

地質

地質由動植物所構成或如煤炭化石等種類至多大別之可分三種軟者爲土壤鬆者爲沙堅者爲岩其初由水之作用經若干年重累而成層故又謂之地層地球即由此構成在下者爲舊層在上者爲新層地質學家由各層中所化石之狀而定爲太古代古生代中生代新生代四時期代亦曰界太古界地球最古之時期也此時期中地熱尙酷海陸之分未定未有生物故又稱無生界噴出之岩石爲輝綠岩花崗岩等爲無生界地層必需之成分古生界原始界之土層也此界爲生物原始時代故名當時已有陸地而破碎之岩石沉於水底積久而構成者其岩石有砂岩矽岩石灰岩黏板岩輝綠岩炭岩等其生物化石隨地不同

中生界亦稱第二期地層分三疊系侏羅系白堊系三部此時代高等生物漸以產生古代動植物漸以漸滅火成岩之噴出少但有黑花崗岩黑班岩紅班岩等

新生界又曰近生界分第三系第四系兩部此時期發現之動植物與今相類或竟全同故新生界實爲地球過去及現在之階級岩石爲砂岩礫岩瓷土黏板岩之類

中華地理全志謂滿洲之大部分以太古代及古生代之岩石而成其中多混雜砂岩及礫岩又謂冲積層僅屬於遼河及松花江流域之一部分冲積層者江河從上流帶來之沙泥至口門處被阻漸漸堆積成爲一種地層者如鐵板沙之類考石之細碎者曰沙農安爲伊通河松花江流域地多沙土其佔有新生界及冲積層無疑謹述概略以供地質學家之研究

第一區

縣城小東門裏地面黑土深七尺下黃土深二丈餘見泥石泥之如石者水中硬見風即碎掘井見此石不用

水粵

按此係單峻峯家中打井得諸井人之報告

十字街東黑油沙土深六七尺又黃土深丈餘過黃土爲泥石過泥石爲黃沙下有黑石成片

東門外黃土深丈五尺又雞糞土二丈餘下爲黃沙再下有石其色綠

南門外道西黑油沙土深五尺又黃土深丈餘雜以油沙過此純砂其色青

南門外道東黃土深五尺許又雞糞土丈餘下爲泥石至東大河同

西門外黑沙土深三尺許下黃土丈餘下爲黃沙再下綠石片

西門外迤北同

西門外西南隅黃沙土深尺許又黃土丈餘下爲沙及泥石

北門外黑土深二三尺含礫質又黃土二丈餘下爲泥石

農安縣志

卷一 輿地

四十六

第二區

靠山屯鎮黑沙土深三尺許又黃土深丈餘下爲沙礫

靠山屯迤西川地黃沙土深五尺又油黑土尺許又金黃土可燒盆雜以石片如

鏞

第三區

黃花岡黑土深三尺許又黃土丈餘下有沙

第四區

哈哩海城子黃沙土深三四尺許又黃土二丈餘下爲黑沙雜礫石

第五區

高家店黑土及黑沙土深五六尺爲青礫所構成又黃土丈餘爲泥石

按該鎮出硝爲農安之特產

萬金塔同惟礫質少

第七區

大岡街黑沙土深二尺許又黃土丈餘下流沙沙無水自流者又下為翻沙翻沙和水上

第八區

伏龍泉鎮黑土深二尺又紅沙土深三四尺又黃金土二丈餘下純為礫石

伏龍泉迤東簸羅甸子一帶地面黑沙土深三四尺又黃土五六尺下為成片硬土過此為泥石或層層之水成岩間有蚌殼之化石

伏龍泉迤西迤北各地面黃沙土深三四尺又紅沙土丈餘下為礫石

第九區

巴吉壘鎮黑土深七八尺又雞糞土三尺餘下泥石

巴吉壘迤南近窪中高甸地黑沙土深五六尺又成片硬土四五尺過此見蚌殼之類

巴吉壘迤西地黃沙土深三四尺過黃沙即見紅沙或白沙等土

巴吉壘迤北地黑沙土深三四尺又黃土五六尺見成片硬土

按縣城東西兩門外地層沙下見綠石片似近於古生界然實未成岩其餘各地又純屬沙礫及泥石東門外及靠山屯均有盆窰以有瓷土也與新界所謂岩石為砂岩礫岩瓷土粘板岩同各區又多見蚌殼之化石故又知其為沖積層也

以上新調查

農安縣志

輿地

山

農安無山也無山而胡以山名考全境以山稱者六十有二第四區有龍泉山六區有雙龍二龍大青聚寶等山七區有麒麟太平等山八區有龍鳳鳳凰四平蓮花大小巴山等九區有東西寶青馬鞍鐵嶺伏山等皆山之著者而靠山屯鎮又似有絕大之山以爲主幹鎮之成立想山靈實呵護之而抑知皆岡也非山也故曰無山惟其無山也而山乃見珍亦惟無山而山乃益夥夫人終日不見山偶得一岡一嶺則名之矣又偶得一邱一壑則又名之矣若使處萬山之中終日見山如不見山習而安之故淡而忘之也古詩云五嶽歸來不看山即是此意即以吉林各縣言之由長白山脈蜿蜒起伏直達東海重巒疊嶂其爲山不知其百千億萬也而稱名者鮮使有愚公者移其最小者於農安農安

農安縣志

卷一 輿地

四十八

之人見之必曰大哉山也嘆觀止矣殊不知在江東各縣人乃熟視之若無觀非山之異地異也然則農安山之爲山可知矣試志山

第二區

紅石碕

紅石碕小曼山也高八丈山有石其色紅故稱在縣城東一百二十里

青山口

青山口江口也山有石其色青故以山名口爲吉林長白山支脈自紅石碕入境迤邐而來至此兀然雙峯並峙高二十五丈長里許距縣城北一百三十里按本縣向乏高山惟自城東北沿伊通河一帶曼坎起伏至紅石碕伊通河入江之處西北向江而行勢漸增高至青山口蜿蜒西行至敖龍台又天津王折而西北行經小城子八岔溝子爲止又起北行入蒙古郭爾羅斯公面積約占本縣五分之一又無峻嶺僅縣城西北約九十里有蘇吉梁子嶺一

條自蒙界入境西南行經伏龍泉房身溝等處至上河灣始漸夷高約十餘丈

以上新調查

農安縣志

輿地

水

農安水之大者曰江曰河其小者曰溝曰泡境內著名之溝泡甚多江河則與鄰縣共之蜿蜒縣之東北以為天然之界限並不入境茲志其略

伊通河

伊通河自第一區兩儀門入境東經長春縣東北隅德惠縣北境至第二區江南鎮會入松花江流經一百五十里

伊通河源流考

源出伊通州東南磨盤山境石板屯屈西北流四十里許入伊通州界南受小伊通河合北流一百二十里過伊通州東折北流四十里逕金家哨受南來之一巴丹河合北流逕勒克山溝口屯放牛溝兩河合為一自西來注之

農安縣志

卷一 輿地

五十

又北流五十里出伊通邊門入長春府界北流而東受新立城河又北過長

春府東又北流九十里逕趙家店東折北流驛馬河自西來入焉驛馬河源出蒙古旗地六家子

山南流入長春府西界折東流北岸直農安縣又東一百七十餘里南受新開河合東流四十里逕趙家店北東注伊通河

伊通河既受驛馬河東逕二十里堡折東北逕林家店又東北逕林家橋又東北逕卜家窩堡北伊勒門河合數水自東南來注之伊通河既受伊勒門河又東數十里屈東北流入於松花江自發源至此凡五百五十餘里自受驛馬河後北岸皆界農安縣

松花江

松花江既受伊通河水自紅石碛入境北流折而西行至三區土門子出境經流九十里

松花江源流考

松花江即混同江也滿洲語松阿哩烏拉譯言天河也魏曰速末水唐曰粟

未遼曰鴨子河改曰混同江金元及明皆曰宋瓦明宣德時始有松花江之名源出長白山頂之圖們泊自泊之北開一口奔流下注是爲江之正源西北曲北流百餘里額赫諾因河三音諾因河合哈勒琿穆克河自左岸來會迤西北流數十里左岸納著名之水三曰雖哈河那爾琿河尼什哈河又北流百餘里有大小圖拉庫河尼雅穆尼雅庫河合富爾哈河自左岸來注之又西北流數十里至蜂蜜哨子南輝發河挾衆水東北流自左岸來會水勢始盛折東北流經大小半拉窩集拉發河挾衆水自左岸來注之後折而西北過吉林省城南濱江有中國官輪局碼頭在焉上距江源曲折幾及千里自城南曲而東流折西北過烏拉城之西越柳條邊轉而西趨爲扶餘長春二縣界至陶賴昭附近伊通河合伊勒門河自左岸來會入農安縣界東岸界榆樹再西流北經扶餘縣界折而東北流即成吉黑兩省天然之界限矣農安松花江水之汜濫

清道光六年八月江水溢至南山坎水深一丈居人廬舍均被湮沒傷人無數下坎有燒鍋曰元亨廣水進院內一號皆驚水退爲修龍王廟一現該號早已歇業該屯古廟猶存

俄人於松花江西岸築壘之遺迹

光緒三十三年日俄之戰俄軍敗績恐日兵追至江邊一時不能濟乃掘土爲濠築壘類城垣作橢圓形東西四十弓南北 又掘土洞以木棚其上欲藏兵其下以避敵東至紅石碛經青山口西北至邢家店共築土壘十八半里一小壘一里一大壘至今猶存

大葦子溝 第三區

發源伊通河經南小城子越紀家店徐家店之中央北流至黃花岡又北流至生子屯荒甸而止

小葦子溝 第五區

發源於伊通河流入五區境內南由萬金塔東入于羅鍋屯又西流至于振東屯折而北流至宋義九屯又西流經小九德號北半里許而止

按兩葦子溝相距十餘里故有大小之稱

二道溝

七區

長三十里西南流入下簸羅泡子溝深五尺水二寸餘

按七區僅此溝雖小錄之

簸羅泡子

八區

長五十里寬十五里週圍一百八十里面積七百五十里繞岸漁房二十九家每家日網魚六七十觔平均得魚千觔內有鯉魚二百觔大者重八觔其餘八百觔皆鯽大者觔餘小一兩

按該水入而不出無盈溢之患遼聖宗如魚兒灤疑即此泡

溫道溝

同上

發源於夏家窰西小山下東流入簸羅泡子溝長十五里深一丈二尺寬二丈三丈不等水深二寸餘長流不涸

按此外有簸羅溝子謝家溝子均小水也不備列

窪中高泡子

九區

在巴吉壘正南距城六十里泡爲長圓形水深一丈週圍一百二十里岸邊生香蒲居民每秋可得蒲黃三四百觔

按上據地物調查表此次調查直徑僅二里未知與當年奚若水久烝則涸亦或然也

上河灣泡子

同上

在巴吉壘西距城八十里泡長圓形水深七八尺周圍四里直徑里許岸邊無所產

敖寶吐泡子

同上

在巴吉壘東距城四十里泡長圓形水深二三丈不等周圍六十里直徑八里
臨岸漁房三家每年可網魚萬餘觔皆鯽大者重一觔二兩小者三四兩民國
十二年後直徑僅二里許雖有魚而小無人網取也

元寶窪泡子

同上

水深二三丈周圍四十里強

此依地物調查表增入而此次調查冊未列是否有遺尙待查考

又此外有溝二二道溝房身溝均小水略

以上新調查

農安縣志

輿地

名勝

第一區

古塔連雲

出縣城西里許有塔焉望之巍然高聳雲表花晨月夕遊人爭集其下徘徊吟咏曷勝滄桑之感

伊水歸舟

伊通河距城東二里許盈盈一衣帶水也昔由長春搭貨運而至農孤帆遠來賈客爭集岸邊鵠立以俟風景頗饒今年水瘦惟三頁板船數隻上下往來而已

第二區

農安縣志

卷一 輿地

五十四

青山競渡

山爲長白之支脈自紅石碕入境蜿蜒西北至青山口忽然突起兩山壁立中爲通扶餘大路慈善會善船設此搭客上下雙槳如飛亦風景之一也

第四區

葭村聽鳥

榆樹堡屯東有泡焉泡中有泉水流潺潺四時不斷滴久成溪小橋通焉繞村蒹葭羣鳥格磔其間自鳴得意夏日蒼煙四起茅簷半露依稀入畫相傳有蒹葭鳥焉體灰褐色蒹葭長成時此鳥必至至則三四其啼嘎然聲聞全屯

第五區

名園堆錦

出高家店西北行十里許見楊柳千章綠與雲齊翠微深處遊人如織趨近之覺香風拂拂從綠陰中吹來俄見萬花羅列燦如堆錦紅者杏白者李白而略

異者則櫻桃與梨約二千餘株詢之則清庠生于景蘭先生之果園也園東西長二里南北寬二百弓遍種果園以楊柳遠近有度疎密有行園丁護持唯謹園臨路旁故至者靡不覽焉

以上新調查

第八區

湧泉柳浪

簸羅泡子北岸山中有泉焉曰湧泉山之所由名也泉下有草橋橋下有柳隨風起伏有如浪然

簸泡蜃市

泡聚四方之水而成巨浸窪可知也惟在高處觀之水面乃高於地天初曉往往見泡中有街市極繁華人以爲蜃市云

以上許愛田投稿

按漢書天文志云蜃氣象樓臺空中之所見皆陸地之實景也來稿云以爲伏隆泉三盛玉兩鎮映於泡中洵焉

第九區


河灣旂影

巴吉壘東有泡焉曰上河灣東西寬里許南北長三里深丈餘沿岸生蒲無他產夏日陰雨連綿霧氣濛濛中泡中現樁二如古刹之旂竿見之者以爲異許稿

按農安無所謂名勝也茲據調查所得仿瀟湘西子湖例編次其目爲八是邦人文薈萃傑構必多即景生情寵之以詩安在不可與瀟湘西子湖爭勝於南北哉現因期限迫促未及廣徵留此題目以備吟咏此編者之微意也

以上新調查

伊 通 河 風 景



農安縣志

輿地

險要

農安東北與扶餘隔江相望伊通河蜿蜒東界稱爲安瀾全境別無重山疊水初無險要之可言易曰王公設險以守其國似其險又不專指天然之形勢農安北連蒙疆東南介長哈鐵路之間邊防匪患在在堪虞其險要有重於他縣者茲爲分區志之

第二區

由紅石碕青山口迤八里營子沿松花江南岸一帶襟山帶水柳林叢密宜設重兵駐守扼上下游之航路以固國防一旦有事東與德惠榆樹東北與扶餘三縣又可互相聯絡以資應援現吉林松花江上游水上警察駐所設八里營子以此

農安縣志

卷一 輿地

五十六

靠山屯南沿伊通河柳林深處伏莽潛滋而萬陳兩家船口尤爲長春德惠往來之要路

第三區

鴨爾汀北沿松江西北與蒙界毗連胡匪出沒恒恃江邊柳林以不恐現保衛第一隊駐防於此

徐家店南沿伊通河距境內防所較遠亦要路也現保衛第一分隊駐此

第四區

劉家店北近蒙邊三十餘里四無人煙柳之叢盜之藪也兵至則竄入蒙界兵去則來每至夏日行人絕跡

第五區

該區最險要之地有三（一）東靈宮通稱老爺廟居區之中央東沿荒甸南近伊通河之柳林蔓延無際匪南由德惠竄來潛行無跡前後居民屢受其害現東北

陸軍十六師十旅三十三團三營十一連駐此（二）孔家店屯居區之東北距高家店鎮二十里距三區駐所三十五里距老爺廟陸軍防所二十里爲偷渡陰平之必守（三）永義慶地沿荒甸不靠村屯距各防所尤遠匪由東竄來以此爲根據地

第六區

未詳

第七區

大岡界全區曠野彌漫村落零星雖非兵家必爭之地而胡匪往來鞭長莫及居民不堪其擾現保衛第三隊駐防於此

第八區

該區險要有三（一）伏隆泉西北太平川屯一帶距伏隆泉四十里北近郭爾羅斯前旗荒甸西毗長嶺邊界爲農安西北之門戶（二）伏隆泉迤北各屯毗


連蒙界胡匪出沒無常（三）簸羅泡子兩岸地勢平坦後有峻嶺前有水泡民戶四居一旦有事糧草可供進可以戰退可以守想爲兵家所必取也

第九區

該區險要之地有二（一）巴吉壘南窪中高一帶地曠人稀村落星散居民恒虞匪患（二）西境大榆樹一帶距巴吉壘五十里爲巨匪往來之孔道現保衛第六隊駐此

以上新調查

農安縣全境地圖



圖例

十	江	教	高	山	道	廟	村	鎮	學	陸軍防所	警署防所	縣署	縣城
河	堂	崗	峽	路	字	屯	市	校	古	古	草	沙	橋
水	船	電	區	縣	國	古	古	草	沙	橋	水	水	
流	針	口	鐵	界	界	界	塔	城	甸	石	梁	溝	泡

比例尺 1:180,000